

遼陽縣志

戊辰夏  
比頌

## 實業志卷二十七

地方富源生於農工商賈昔在閉關時代上之人崇本抑末人皆重農而輕商遼境人  
民尤篤於守舊素務耕墾約計農民之數幾十倍工商故殖產物之出於農者爲最鉅  
至工之製造商之販運則視年歲之豐歉與爲消長焉今則中外交通正宜研究改良  
俾輸出之熟貨日多輸入之外貨日少則漏卮可塞而財源充裕矣爰述實業志第二  
十七

奉天素號農區遼境農產尤甲於各縣男丁業農者約居百分之六十五每歲產額最多  
量者惟大豆高粱逢一有年足敷二年之用故高粱酒豆油豆餅爲出口大宗其特產物  
惟陸稻古諺稱居就梁清代貢品稱桃花米是也以全境土質言之附城東西延袤三十  
里內地勢高而土性膏腴渾太兩河流域淤土亦皆肥沃倘不泥古法於易種防蟲造林  
防水製造肥料等事逐漸講求東南荒山廣植桑柘果樹西北窪田試種秋麥豌豆濱河  
各地可以通渠引水之處試種稻田殖產自當益富惜宣統時代創設農業試驗場以未

獲實效而停民國初元設縣農務會迄今仍有名無實欲求發達是在有提倡之者試述  
農業各項於左

農時

立春 夏正月節本境較山海關裏及沿海各縣境氣候稍寒約可差十餘日夏小正  
云正月啓蟄古者立春前一日天子迎春東郊三推布種有清時代本邑地方官例行  
迎春禮爾風云三之日于耜周之三月即夏之一月按之本境則冰凍未解未可行犁  
雨水 夏正月中夏小正農緯厥耒農及雪澤注澤即釋也此時長工就傭農功始事  
驚蟄 夏正二月節禮孟春即云蟄蟲始振雷乃發聲非古時啓蟄特早也蓋漢三統曆  
驚蟄先於雨水後四分曆始易之耳本境此時始種大麥如或再遲恐冰盡釋水澤滲  
下麥苗受旱

春分 夏正二月中草木萌動農諺有云春分栽蒜此時冰解土融正種二麥豌豆淡巴  
菰等類

清明 夏正三月節民國以來以此日爲植樹節農諺云三月清明麥在後二月清明麥在前蓋以爲節氣晚則天氣必寒早則必暖也究竟麥性耐寒以早種爲宜諺曰頂冰種麥不收也得

穀雨 夏正三月中夏小正云攝桑妾子始蠶此時五穀皆可播種惟棉尙須少遲農諺云穀雨無霜不斷霜棉苗畏寒故不宜早種

立夏 夏正四月節陽氣方盛夏小正云越有大旱月令云王瓜生苦菜秀本境此時仍宜種五穀蔬菜瓜蒞等類

小滿 夏正四月中月令云農乃登麥陶詩云好風自南翼彼新苗本境播種始畢將芸苗斨麥始秀

芒種 夏正五月節農諺云過了芒種不可強種時宜分秧植葱及薯小麥始秀

夏至 夏正五月中日長至宋范成大詩云晝出耘田夜績麻村莊兒女各當家謂四月也本境五月乃有此景况農諺云夏至麥死一鬚此時農再耘田



小暑 夏正六月節月令云溫風始至本境始登大麥豌豆收早玉蜀黍早土豆剪棉尖

農三耘田

大暑 夏正六月中小麥皆熟大雨時行溽暑高原地農家利以治糞沿河農戶慎固隄防以備水潦時宜種蕎麥綠豆秋菘蘿蔔一切晚蔬

立秋 夏正七月節爾雅詩云七月食瓜時宜刈青麻早黍採淡巴菘蓄禦冬菜

處暑 夏正七月中禮月令命百官始收斂注順秋氣也此時溼熱氣盛下地農民收穫麻錠謂之爲麻錠秋桑柞重發葉宜飼秋蠶

白露 夏正八月節夏小正云剝瓜剝棗爾雅云八月其穫本境負郭田早熟方穫棉花

正開

秋分 夏正八月中禮月令云乃勸種麥蓋指山海關以南而言也本境百穀皆熟農趣收穫農諺云過了秋分不收田過時不收恐盲風剝落耳

寒露 夏正九月節夏小正云鞠榮樹麥傳曰鞠榮而樹麥時之急也按麥金穀金玉而

生火王而死得四氣之全大江南北半在寒露間種之本境種麥則在清明前後亦間有在白露前數日種秋麥者至寒露惟收晚蔬拾棉務蓄菜多積聚

霜降 夏正九月中詩幽風授衣叔苴禮月令農事備收伐薪爲炭本境農時適與此合禾稼收畢平原農民創在採薪山地農民樵採刊木

立冬 夏正十月節謹蓋藏慎關梁平道路修囷倉皆在此時

小雪 夏正十月中歲功既登架草橋治土糞農家例給傭工酒食一次謂之關場門犒勞蓋猶有十月滌場朋酒斯饗之遺意焉

大雪 夏正十一月節禮月令山林藪澤有能取蔬食由獵禽獸者野虞教導之本境東南之榛栗山雞狸貉西北茅柴魚蟹鴨雁等物農隙時類多取之

冬至 夏正十一月中月令冰益壯地始坼此時道途平坦車馬運輸糧貨來往便利居民塞向謹戶謹審門閭

小寒 夏正十二月節歲晚務閒農園鑪績麻稍得休息乃議租典買賣地畝一切事宜

月工年工率皆工滿歸家

大寒 夏正十二月中禮月令命有司大儺旁磔出土牛送寒氣按東漢志季冬立土牛六頭於郡縣城外丑地以送大寒又於立春日立青旛施土牛耕人今農家用紅土畫牛犁於大門墻外猶古意也全年用度至此結束一次預備來春一切事宜

土宜

附縣城廂及城西南二三十里內爲第一區境地皆高平其土黃壤含滋養料甚多種宜高粱大豆粟黍陸稻芝麻棉花及各蔬果木宜松柏榆槐楊柳畜宜牛馬羊豕

縣東北爲第二區境其地高原其土黃壤東半近山其土赤埴每歲皆需糞料種宜高粱粟黍及各蔬菜果宜桃杏梨楂木宜松柏桑柘榆柳畜宜牛馬羊豕

縣正東爲第三區境東半區地多山嶺其土駢剛兼以砂石西半區多黃壤間有砂石種宜包米粟菽高粱棉花但需糞料山麓宜作飼蠶一歲再熟畜宜牛羊豕

縣東稍偏南爲第四區境東部山地磽瘠宜包米粟菽種柞及梨棗栗榛各果樹西部土

黃壤間有細沙種棉及穀蔬等類皆宜畜宜牛羊豕

縣東南爲第五區境全境山嶺重複山坡河濱砂土磽薄加之以糞可以墾殖穀宜包米粟菽山多種柞春秋兩季飼蠶木宜松柏檜栝楸椴果宜梨棗栗楂畜宜牛羊此二區藍河細河答喇河之濱可以引水種稻

縣南爲第六區境東南部強半是山土宜與五區同西北部多半高原其土黃壤近山多赤埴穀宜高粱粟菽芝麻陸稻而蔬果尤佳全部每歲皆需糞料畜宜牛羊豕

縣西南爲第七區境平原沃野其土黃壤含有膏腴下土填壚穀宜高粱粟菽杭黍芝麻尤宜棉花瓜瓠玉薯蘿葡菘等類梨李品味亦佳木宜松榆楊柳畜宜騾馬牛羊豕

縣西爲第八區境距城五十里外中部爲太子河流域地勢平衍中多下隰其土疏薄質輕色黑濱河沙淤尙覺肥沃其性稍寒常患水溢種宜二麥高粱菽杭麩稗黍稷青麻靛青樹宜楊柳榆檉畜宜騾馬豕

縣西北爲第九區境太子河流域地勢平衍處八區上游土質肥沃膏潤距河遠處其土

黑墳時有水患土宜各物與八區同

縣北爲第十區境東半平野土質黃墟以西漸低爲田水所匯厥土疏瀉色黑惟北沙河與十里河流域所經土沙相撓頗多膏潤種宜高粱菽稷秔稗青麻木宜榆柳畜宜騾馬豕

田畝等則價值及所有權

本境田畝方五尺爲弓二百四十弓爲畝從前旗地有牛倉遼倉內倉餘租升科加賦旗餘地減賦旗餘地皆旗族世業所有以及伍田隨缺三陵皇莊王公莊爲官地統以六畝爲一繩俗曰一日約五十萬畝民地有民吠銀地米地加賦餘地減賦餘地新增地皆民戶世業所有以及學田官地統以十畝爲一日俗曰一天約十三萬畝曰日曰天者蓋一据牛犁一天所耕種也至清末季奉天行清賦及畫一田賦並丈放官莊地章程無論旗民各地通以畝計約分爲上中下減四則課賦之率以等則定之當畫一田賦之始本邑從前銀米各上則地外概照中則定賦多寡不均相差不啻倍蓰故第八區境內十四十



五兩卿請准照中則五折或五八折納糧其各區續報清賦及清丈官莊雖等分四則而實際仍多不合欲正經界非其心如秤未能平也現今全境地畝額總約增至三百萬畝無論皇王莊地林園河泡統歸人民所有權

本境地畝價值相差之率四十倍以現大洋計算每畝價格最低六七圓最高四十六七圓年租價照賣價十之一典價照賣價十之五惟鄉間計畝之法或以隴計七百二十弓爲一畝三隴寬一弓七百二十弓以三除之實得二百四但三隴寬一弓有餘耳現已漸改爲二四不以隴計矣各地有自種租種分種之別租種分錢租糧租兩項分種至秋成計成分劈從前永佃權一概取銷

### 地畝產量

高粱即蜀黍每十畝種子五升如翻茬土乾得少加穀兩布種秋分熟普通收穫六七石或四石至十石秫稽千餘束遼斗高粱一斗三十斤零

大豆卽技菽分青黃黑白四種每十畝種子一斗二升如麥茬豆須少加穀兩後布種秋

分前熟普通收穫五六石

穀子即粟每十畝種子三四升穀兩布種白露熟普通收穫六七石草二千斤

包米即玉蜀黍每畝種子一升五一種穀兩布種大暑熟一種處暑熟園地皆宜惟田地間多夾雜大豆種之收穫三四五石不等

糜子即黍每十畝種子六七升立夏布種小暑後熟或夏至布種白露熟普通收穫六七石

稷子每十畝種子二斗三升春分後布種秋分熟普通收穫十餘石窪地最宜

小豆每十畝種子七八升地有缺苗時以此補種但在立夏前即不爲晚

綠豆每十畝種子六七升大暑前布種白露熟收穫三四石

豌豆有二種歐洲種每畝六七升春分前布種小暑前熟每畝收穫六七斗

蕎麥每十畝種子一斗三四升大暑布種白露熟收穫五六石

小麥每十畝種子二斗五清明種中伏熟普通收穫三四石刈麥後隴溝豆苗乃得遂長

大麥地同

大麥每十畝種子三斗半清明種初伏熟普通收穫七八石

芝麻即脂麻每十畝種子三四升穀雨後布種白露前熟收穫三四石

蘇子高地道邊種之晚種早熟每畝可收四五斗

線麻宜高地每畝種子一升可收子六七斗麻五十斤多在隴頭或麥地中零星種之

青麻即縲麻每畝種子一升可收麻百斤

棉花每畝種子五升芒種後布種秋分後收竣可收熟棉四十斤

總計全境產額高粱爲大宗約可一百二十萬畝平均約收七八十萬石豆類約五十萬畝約收二十六七萬石小麥三十萬畝約收八萬石大麥七萬畝約收四萬五千石穀子二十萬畝約收十一萬石草四百萬斤棉花二萬畝約收熟棉六十萬觔其餘雜糧無煩縷數統計地五十畝耕耘收穫平均須男子一人

園圃

果園爲農家副業桃杏李梨棗櫻桃等園中宅畔往往植之至林園則東南山中每處數千百株至萬株所在多有而梨爲大宗有白梨紅梨接梨酸梨平梨而香水梨尤爲遼陽特產前清內務府充梨差者其家皆有果園近來陸軍少將王大中仲樵在邑南向陽寺村購地三百餘畝栽植西洋梨蘋果及各種果樹數年後定可蔚成巨林至城內外各菜園皆注意栽養葡萄產額亦復甚富此已足徵地利之發展矣

蔬菜爲佐饑要需無論大小農戶皆有蔬圃而城廂市鎮中專以種蔬爲業者尤復不可勝計城內四隅空地皆係菜園附城廂關亦三四十處其各鄉鎮則以劉二堡爲最以葱韭菠菘蘿蔔瓜茄雲豆豉豆芹蒜爲普通蔬品其餘雜蔬亦因其土宜隨時蒔之若山藥土瓜地豆秋菘秋蘿蔔往往種之村郭野地大約種蔬之人工肥料比種穀多費四五倍而得利之倍數如之諺稱一畝園二畝田猶未充其量云

### 林業

本境惟南區對椿石等二十餘屯內之荒山爲公有林場上下十八九里寬四五里不等

派員經營十餘年其間松柞楊柳榆楸及各果樹植滿山谷再逾十年即成爲良好之林業近年歲收蠶場山柴等款除經理樹藝及委員林警工人薪工支銷外尙餘七八千圓之譜至私有之林不過山陬水澗村落之間三五成行數畝成陰絕無大段森林雖迭經官府勸導種樹頒發造林規則亦視等虛文毫無成效祇緣牧畜樵採不時摧殘無森林警察爲之保護故一任山嶺濯濯平沙浩浩無肯作十年樹木之計而小販者復取可用之材料毀作木柴將來戶口日增需木之途益多木之來源愈遠誠爲可慮云

### 水旱

水旱偏災何地蔑有近十年內全境遭旱災者三西北兩路被水災者四農民沿習舊俗遇霖雨則祈晴遇亢旱則祈雨祈之而驗則演戲酬神焚香拜廟不驗則束手無策聽命由天濱河各區每歲按地出工以補修隄壩爲唯一防水之法對於防旱唯恃深耕易耨以時勤力隴畝舍此別無善策究其致災之由實緣東北諸山開墾到頂樹木砍伐殆盡平地又少森林暑熱時不能蒸發水氣故雨澤甚稀遇大雨時行無宿草敗葉涵蓄吸收



水勢如建瓴而下頃刻盈科河岸隄壩距離太近水不能容遂致橫流四溢此後欲防水  
旱惟培養森林及寬展河道爲急務惜無人提倡之耳 害苗之蟲本境有數種一曰蝥  
詩小雅及其蝥賊傳食根曰蝥食節曰賊說文本作蝥食草根者吏冒取民財則生其類  
有二種一身肥色白兼青斑俗呼截蟲身小頭赤食禾穀初生之芽即齊民要術所謂好  
蚘也一曰螟詩去其螟騰玉篇食苗心蟲也說文吏冥冥犯法即生陸璣疏螟似好蚘而  
頭不赤此類蟲子在宿草中或由土生化農民往往用紅礬攪糞布之土中以滅殺此患  
一曰青蟲黑蟲形似初眠時之蠶而小五月間麥秀時生食麥葉及嫩穗不足則延及其  
他禾苗高粱包米穀稗秔各苗皆患之或生於六七月間食穀葉此類蟲皆由飛蛾產子  
於叢苗草際遇雨露即生農政全書有撲蛾燒蛾法本境西北多麥常患麥蟲凡毘連麥  
地之禾苗皆沿麥地四周挖壕深二三尺壕內墻用曲刀勒成曲溝或用灰沙布土壕陡  
坡上面使蟲不得逾越害及他苗至穀苗之蟲用布兜或簸箕承之俾穀苗動搖蟲自落  
入然後埋之又山蠶場蠶子初生最患蟻飼蠶者用紅礬攪入飯內布於柞樹下蟻食之

輒死其他若油蟲蜜蟲早暑時害高粱蝓蟲捲蟲害豆苗尙無防禦之法

### 牧畜

牧畜爲農家副業而耕田牽車資用牛馬騾驢之力最多本境上農戶多畜騾馬取其力齊而功速小戶多用牛驢取其價廉而飼料省也諸畜之中惟畜牛利多山中農戶每畜荒牛春夏秋放之荒山冬季飼以豆萁雜芻每歲滋生可得倍利俗云乳牛生乳牛三年五個頭又牛糞滋養料較馬糞爲多次則養豬又次則養羊除售豬剪羊毛外並得糞田之利詩無羊篇先言牧事有成牛羊衆多遂及豐年其以此也此外貓犬雞鴨亦效用於人而藉收小利皆農家之所不廢惟各農戶飼養家畜概未知防病之法而家畜治療又無專家遇騾馬生病委之庸常獸醫及牛羊豕雞等時病發生則聽其自死自生往往傳染殆盡故人有戒心對於牧畜事業無復擴張此亟宜研究者也

### 農會

遼陽農會清季宣統二年成立遵部令由州議參兩會公舉總理一員名曰遼陽州農務

分會由勸業道頒發鈐記置董事兼評議十五員調查八員書記會計講演各二員鄉設農務分所共二十一鄉鄉各一所由鄉董佐兼任其事民國二年改選總理爲會長添置副會長十五年改爲奉天省遼陽縣農會由縣另刊本質鈐記會長郭鴻達辭職另選馮樹勛爲會長劉桐爲副會長各一員置文牘兼庶務會計兼書記各一員評議九員調查四員同時鄉農會亦報成立計十區每區各附設鄉農會所刊發遼陽縣第幾區鄉農會圖記每會設職員九名

農會經費向由地方公款補助常年經費奉票二百十六圓種樹工資百九十二圓買樹秧三百圓至十五年停支另由店行斗用每斗抽收二釐年收一萬圓之譜量入爲出爲城鄉農會經費

農會經辦事件十餘年來辦理地方賑災三次設粥廠放賑糧以工代賑接濟春耕款項頗著成效會長又兼種樹主任在普安門外購地七十七畝栽植柳樹十餘萬株現有徑六七寸樹二萬餘株其餘三二寸不等又植桑若干株復經督修馬路河隄及地方機關

工程亦有成績軍興以來徵用人夫車馬穀草數次多由農會辦理惟於農業進化各事宜尙未及講求耳

附現在農會職員姓名表

區別		會長	副會長	文牘兼庶務	會計兼書記	評議	員調	查員
縣農會	馮樹勛	王濯清	范先春	苗喜蔚	荆文華	葉蕙英	胡德奎	卞樹屏
區一 鄉農會	劉福鴻	劉祖唐	賈穆文	馬錫純	劉毓琇	高品一	張雲翮	景泉浚
區二 鄉農會	張拱星	許承熹	李廣忠	洪慶普	王福恆	張春桂	方維漢	沈作雲
區三 鄉農會	吳裕泰	李全慶	劉懷襄	易有福	金殿卿	楊慶文	安富深	吳迎春
區四 鄉農會	趙秉炎	趙秀甫	趙士英	王化久	李恩裕	張振元	李春耕	劉桂森
區五 鄉農會	富長恩	姜子元	金翼臣	岳鵬庚	寇振峰	徐安時	永春	谷永福
區五 鄉農會	岳永鎮	屈寶雙	高奎福	葉德凱	王德明	趙連芳	王振芳	顧恩綬
區五 鄉農會	劉寶舉							

區六 鄉農會	于長福 吳寶生	崔連穎	金希城	谷正山	蘇國海	李鴻學	金寶賢	于成普
區七 鄉農會	翟晉卿 沈玉麒	石宗麟	王成貴	王光國	宋寶信	黃成助	柳國權	趙庚榮
區八 鄉農會	王永陞 馬廣育	李正本	馬慶綿	宋長美	洪士富	湯萬福	蘇廷弼	李永春
區九 鄉農會	李鍾山 宋繼唐	馬宗漢	李永奎	祁長恩	魏雲萃	陳萬鈞	張平城	虞廷楨
區十 鄉農會	曾廣鈞 鄭德滋	鄧紹禹	范先春	高培盛	李兆興	徐長祥	吳廷印	滿景清

苗圃

苗圃之設為推廣林業之基礎自南滿鐵路在附屬地立山設苗圃每年分銷樹苗於各處數年以來山無不毛彼此相形未免見絀本境東南諸山率多童禿西北平原廣野彌望無際雖勸導種樹設有專員而鮮有成績民國十二年三月奉省令提倡林業籌辦苗圃擇定立山路東租用民地五十畝栽種松柏桑槐梧桐梓漆魯桑湖桑等樹約二十餘萬株辦公處借用立山屠宰場設主任一員助理一員夫役四名常年經費二千四百圓



由地方公欸開支現經購定南門外蓮花寺西廟地五十餘畝作永久苗圃辦公室五間將立山樹苗全移新圃此圃土質膏沃地勢高平含有機物成分易受風化作用其水含甘質富於輕養二素於植物爲最宜由十五年度起追加預算全年需奉大洋四千八百四十九圓有零預計三年後可增植樹苗三十萬株祇以人民習於穡事少樹木思想尙責成區村長均領樹苗如法培植逐漸擴充十年以後林業大興矣

### 工商業

本城昔爲大郡南通營海北達盛京貿易頗稱繁盛自甲午庚子再經兵戰復以商號市帖濫發錢法毛荒多半歇業歷此數番挫跌幾至蹶而不振泊南滿路成商人受外潮激刺深知商戰之優劣烈於兵戰咸注意於經濟競爭加以交通便利運輸敏捷殷實商號由保守主義漸變爲進取由境內貿易漸推及各埠由土法製造漸撓用機器從此積極進行業務益當發達矣所慮者保商之法未周奸民假外商名號在附屬地設立油糧燒鍋洋貨等行影射巧避納稅特輕於華商華商默受其影響欲圖發展亟宜設法維持也

## 茲將商業事項列後

### 商會

設在本城內畫棚胡同計議場五間辦公室三間夫役室三間廚室一間儲藏室二間光緒三十一年成立以舊有水會房屋改爲辦公所公舉拔貢趙祖昌爲商會總理置司事會計各一員民國五年八月改組名爲遼陽縣商會在未改組之前名爲商會分會與工會分立及趙總理辭職公舉李榮璽帥文秀正富會長會董二十五員會員一百七十員文牘會計僱員各一員夫役三名在會商戶一百七十餘戶每年收入商捐二萬三千七百五十五圓支出二萬三千二百十圓計支出警學費八千圓慈善費六千圓餘作薪工經費各項復遵照部章設立公斷處民國十四年經辦商業爭議暨債務糾葛商訟等事件計會議五十一次議事一百一十九件內關係商訟三分之一十六年春重舉會長李榮璽曲中華當選爲正副會長餘仍舊西區劉二堡鎮設分會名爲遼陽縣商會分事務所城西南鞍山站因華洋雜處經請准另設商會設會長一員辦理會務經費統係就地

自籌不由縣商會收支本年十月商工合併另舉陳德榮爲會長曲中華李鳳岐爲副會長按從前水會原具商會雛形城內分爲十段以仁義禮智信溫良荃儉讓十字區別爲十會各段有會董有事則齊集水會商辦會內備有消防水龍各器遇有火警鳴鑼爲號齊集救應此會純係商民自理並無部章規定自商會成立水會取消

### 工務會

向與商會合辦自民國元年三月由州轉呈勸業道准予分立地址馬稅胡同租用民房十一間會內設總理坐辦各一員以于福鎮朱世澤充之董事十五文牘書記各一洎九年改組仍舉于福鎮爲會長王學文李鳳岐爲副會長裁總理坐辦名目董事十五員會員二十五員文牘會計仍舊按在會各戶酌收會費每歲約在二萬圓有零歲支警學捐一萬一千一百六十圓其餘作房租辦公薪膳及慈善等項之用在會商號六百十二戶三十二行常年會議五十餘次議事約三百餘件考工商業務雖有不同其實相爲輔助工以製造商以懋遷然如燒鍋油房等行製造兼販買似未便區分爲二故本城工會中

各行工戶固屬甚多而商號亦復不少及至十二年省會工商合併惟遼城兩會仍分立未改或者兩相比較愈競爭而愈進步耶現奉省令並歸商會以一事權

### 儲蓄會

本城向無財團自民國九年經紳商發起知事田癩毅提倡始組成地方儲蓄會集資兩萬股每股三十六圓請准財政廳立案採擇各城儲蓄會簡章辦理公舉會長一名副會長二名嗣於十二年又增至五萬餘股於地方金融頗覺活動惟創辦伊始頗感困難緣光緒二十八九年間私帖充斥銀根奇緊經知州沈金鑑請准由省撥借現銀圓三十萬作公立公司資本接濟市面嗣因譚經理辦理不善有勢力之商號借用多款不能歸還全城商號均受虧賠自此信用全失咸以集股合資爲戒幸賴發起人極陳儲蓄之利益多方勸集始克成立現已七年有餘專作儲蓄出貸事項絕不另營他業地方農商均稱便利焉此外有奉天儲蓄會分會附設東街福聚源內常年出貸亦不下三十萬圓惟近年奉票毛荒股東暗受損失斯乃時勢所趨無可如何也

### 最優之營業

一曰燒鍋本境高粱產額最富大麥小豆豌豆等亦足供造麵之資料而泉水甘美造酒香冽實爲全省之冠故全境燒鍋多於各縣此項營業頗佔優勝設與附屬地燒商同一納稅不稍偏枯當益見發達矣

一曰油坊大豆之產額埒於高粱而民間食用消耗較少故油糧一項除本境油坊需要外仍佔出口貨一大宗城鎮各油坊或用汽機或仍舊式無慮數十百家概無缺料所造油餅先期在大連定售運輸便利概無滯銷此項營業所以逐漸增多

一曰棉花莊東南兩方面及中部各高原產棉頗多且絨長而柔緞曾經奉天紡紗廠試用可稱佳品收之於本境售之於省城販運便捷如收子棉出售熟棉所餘棉子即爲淨純餘利

一曰藥局本境藥材百數十種產自山野不假人力種蒔而五味細辛蒼朮尤爲佳品童叟婦女以時采之工資又省各藥局躉收零售加以製造用本極輕而得利極重城鎮



藥局十餘家皆河南人蓋業有專營也

一曰製鐵原料來自本溪近年兼購自鞍山運輸甚易故鑄爐瓦爐及各鐵鑪日見增多近復設立機器鐵工廠所出之貨銷路極遠車瓦車釘鏵子等項尤爲大宗

一曰香磨城東南藍河流域水勢如高屋建瓴民戶利用自然水力構造香磨計共二十六盤每盤建置費值奉票萬圓每年碾香末約七八萬斤近二年繳水利局稅由二十圓至三十圓不等除人工木料納稅外可得純利萬圓其構造形式用小豆石製磨徑五尺餘上下兩扇上扇厚尺有咫用橫木縛鎖不使之動下扇厚尺許中心貫以立木名曰中管管高丈餘上端幹管於下扇磨其上與磨面平管之下端貫於水輪之中心輪平置以木爲之徑一丈三四尺輪下面有稜由上流引水束之使成陡勢至磨處直下衝激水輪輪轉下扇磨隨之其上蓋屋屋內地鋪平板磨在板上香料用柞榆槐杏等木斫成二二三寸塊水浸溼由上磨眼注入木屑下以器承之凡三次成細屑按此項水力可用作水電或灌溉稻田惜無人經營之耳

## 製造品宜改良

普通舊式製造金石類如銅器錫器農工日用鐵器石工製品等植物類如麻油香油黃酒豆粉米粉棉子油豆腐豆醬木器等皮貨如黑皮白皮靴鞣皮等傭率低賤供足給求可勿變也至於本境紙房祇能造毛頭紙若改用機器製各種紙品原料既足人工亦省銷路既廣利益自厚此宜改良者一城鎮各米店純用人力馬力碾米出米無多銷費甚鉅若改用電力所費一二所獲十九此宜改良者二牛馬等皮除本境需用外生皮出口奚啻數倍若用新法製革不惟可抵外貨且可銷售外洋挽回利權即在於此此宜改良者三舊法紡織大布厚重耐久惟費工太距近年以來已就淘汰然外紗輸入不免漏卮若用小機自紡自織棉料無待外求獲利自當維倍此宜改良者四至於魚肉果品足備罐頭製造現已設公司一處亟應加以擴充若其他首飾樓花炮舖畫舖古玩等無益實用則宜取消極主義書云不作無益害有益洵然

## 錢幣

縣境交易同光以前以現銀爲本位制錢輔之與省城及各縣同光緒中葉國家改鑄銀幣輔以銅幣而實銀排銀日少市面流通行使遼帖注明憑帖取錢始猶兌換制錢以十六枚爲一百百十爲吊八十二枚爲五百足數錢遼帖七吊兌銀幣一圓交易亦頗便利乃巧黠之徒無實在資本但發憑帖希圖罔利遂致私帖日濫不能兌現至以四十吊換銀一圓官家乃嚴行取締一律停使私帖人民受此折閱不知凡幾矣日俄戰後中外交易日繁渡假而外來之金鈔票流入境內本國銀幣無形外溢省當局爲流通接濟計乃由銀行號發行紙幣以替代銀圓復造銅枚以找零尾究之紙幣愈多銀圓愈少愈多愈賤愈少愈貴乃又發行大洋滙兌券以塞兌現之漏卮而省外市易仍需現貨現貨之需日鉅則紙幣之價格日低積至今日十僅值一百物騰貴民窮財竭甚可憂也

### 度量衡

我國度量衡向不畫一奸黠者因得以操奇計贏上下其手本境用尺比工部營造尺加一寸而強市平較公磁平爲低較牛藩平每百兩漲八錢城鎮量制大小不一城市每斗

二十二斛五西區劉二堡北區煙台較城斗漲一升八合西北黃泥窪河斗較城斗漲三升三合東區大安平較城斗漲一升三合而西路第八區唐馬寨等屯用騰鰲堡市斗較城斗漲二升半光緒七年因量斗不公紳商構訟至盛京戶部仍未定至當之制現在省政府釐定度量衡制以期全省畫一有力之商號暗中阻撓竟未實行

縣境商業工業一覽表

號	別	戶	數	號	別	戶	數	號	別	戶	數
錢莊			五	當舖			八	綢緞莊			二
絲房			二	雜貨商			三〇	糧房			一〇
鹽店			九	山貨莊			六	洋貨莊			一〇
瓷器舖			五	鐵器舖			二	筆墨店			二
書局			九	鐘表舖			五	茶莊			二

總計屬於商業者三百八十一戶

糧米舖	一〇〇	藥局	二	魚舖	七
大車店	一五	柴草店	二〇	菸舖	一〇
紙煙代理店	五	客棧	七五	棉花店	四
骨董商	三	洋麪代理店	一	煤炸店	一五
西醫藥房	四	煤油代理店	三		
號別	戶數	號別	戶數	號別	戶數
燒鍋	九	黃酒館	五	機器油房	二〇
油房	四	機器織布廠	一	罐頭公司	一
麪舖	三三	香舖	二	紙房	六

機器麪舖

二 玉石舖

二 靴鞣舖

二七

木 局

二〇 白皮舖

九 瓦 鑪

四

木 舖

二〇 黑皮舖

二 成衣舖

四〇

鑄 鑪

三 機器鐵工廠

二 毡鞋舖

三

帽 舖

三 鐵匠爐

一九 轎車舖

二

洋 襪舖

四八 估衣莊

八 錫匠舖

五

靴 鞋舖

三五 皮靴廠

五 氈子舖

二

首 飾樓

一七 毯子房

二 木梳舖

二

花 店

四 車舖

九 五色染房

三

傘 舖

一 銅器舖

四 染房

八



糕 點 舖	畫 匠 舖	機 匠 房	繩 麻 舖	篋 舖	燈 籠 舖	扒 子 舖	香 磨	紙 莊	皮 竈
一七	一二	四七	一五	五	三	一	二六	二	五
醬 園	炮 舖	裱 畫 舖	蠟 舖	口 袋 舖	鏡 子 舖	刻 字 舖	城 鍋	鏡 子 舖	膠 房
六	六	三	三	二五	八	三	一	一	一
照 相 館	糖 房	燒 餅 舖	肉 舖	澡 塘	缸 席 店	油 漆 舖	羅 圈 舖	石 印 局	筆 舖
七	三	三四	三三	七	一〇	三	六	一〇	四

總計屬於工業者一千一百五十八戶  
全境常年輸出比較表

品類	數量		比較	產所來源	銷路
	十三年 全年度	十四年 全年度			
鮮果局	二	二	五	牙醫館	一七
香油房	一三	一〇	三	石灰舖	二〇
棚舖	一五	六	三	柳灌廕子	二
糞子房	三	五	洋鐵舖	五	
石舖	三	四	硝房	一五	
甄瓦窰	一八	一三	漿洗局	二〇	
刷子舖	二	八	理髮室	三八	

繭	繭	燒	豆	豆	瓜	包	小	青	紅
紬	絲	酒	餅	油	子	米	米	豆	糧
五〇〇〇疋	六〇〇〇〇觔	一〇八〇〇〇〇觔	一〇〇〇〇〇片	三五〇〇〇〇斤	五〇〇〇〇石	一二〇〇〇〇石	八五〇〇〇〇石	一〇五〇〇〇〇石	一二五〇〇〇〇石
五〇〇〇〇疋	六〇〇〇〇〇觔	九三六〇〇〇〇觔	一一五〇〇〇〇片	四〇〇〇〇〇斤	八〇〇〇〇石	二五〇〇〇〇石	九九〇〇〇〇石	一四〇〇〇〇〇石	九五〇〇〇〇石
			一五〇〇〇〇片	五〇〇〇〇斤	三〇〇〇〇石	一三〇〇〇〇石	一〇〇〇〇〇石	三五〇〇〇〇石	
		一四四〇〇〇〇							三〇〇〇〇〇
同	本	本		同	同	同	同	同	本
	省	邑							邑
外	連	營		大	同	同	同	同	東
洋	本	營		連					營口大連安
	邑	口							



洋線口袋	錫器	銀器飾	綠油盆	沙鍋	石灰	鐵鏢	車瓦	水膠	氈耳帽
一五〇〇〇〇〇條	一〇〇〇〇〇〇〇觔	五〇〇〇〇〇兩	二〇〇〇〇〇〇套	二〇〇〇〇〇〇個	五〇〇〇〇〇〇〇〇觔	五〇〇〇〇〇〇〇〇條	五〇〇〇〇〇〇〇〇〇觔	六〇〇〇〇〇〇〇〇觔	一〇〇〇〇〇〇〇〇頂
一五〇〇〇〇〇條	一〇〇〇〇〇〇〇觔	五〇〇〇〇〇〇兩	二〇〇〇〇〇〇套	二〇〇〇〇〇〇〇個	五〇〇〇〇〇〇〇〇〇觔	五〇〇〇〇〇〇〇〇〇條	五〇〇〇〇〇〇〇〇〇觔	六〇〇〇〇〇〇〇〇〇觔	一〇〇〇〇〇〇〇〇頂
同	同	同	同	周	同	同	同	同	同
本邑吉江	城鄉	本邑	本邑營口	城鄉鄰縣	本省	本省吉江	本縣吉江	城鄉鄰縣	同









打連絨	口絨	嗶叭	線呢	俄呢	洋素卜	線緞	泰西緞	羽絨	板綾
四〇箱	一〇〇疋	五〇疋	二八〇箱	二〇疋	三〇〇疋	三〇疋	四〇〇疋	一〇〇疋	三〇〇疋
四二箱	一二〇疋	六〇疋	三〇〇箱	一五疋	四〇〇疋	四〇疋	四五〇疋	九五疋	二九疋
二箱	二〇疋	一〇疋	二〇箱		一〇〇疋	一〇疋	五〇疋		
同	同	外	日	五疋	同	同	同	外	周
同	同	洋同	本同	同	同	同	同	洋同	村同

法藍絨

一·五〇疋

二·〇〇疋

五〇疋

日本同

洋紗

五〇疋

六〇疋

一〇疋

外天吉洋同

白格線

二·六〇件

二·七〇件

一〇件

中國外洋同

白洋線

一〇〇〇件

一·二〇〇件

二〇〇〇件

同

色卡線

一〇〇〇羅

一·五〇羅

五〇羅

外天吉洋同

線麻

一〇〇〇〇斤

一·二〇〇〇斤

二〇〇〇〇斤

本省同

棉花

五〇〇〇〇〇劬

五·一〇〇〇〇〇劬

一〇〇〇〇〇劬

同 吉林黑龍城江鄉

佛表紙

一五〇〇〇〇箋

二〇〇〇〇〇〇箋

五〇〇〇〇〇箋

同 波同

京海紙

一八〇〇〇〇塊

二〇〇〇〇〇〇塊

二〇〇〇〇〇塊

同

川連紙

五〇〇〇〇箋

五·八〇〇〇箋

八〇〇〇箋

同



洋粉	小海米	海米	海參	木耳	元磨	冰糖	白糖	紅糖	茶葉
一五斤	八〇〇包	一〇〇〇斤	五〇〇斤	一〇〇〇斤	三〇〇〇斤	二〇〇〇箱	四〇〇〇包	五〇〇〇包	三〇〇〇箱
一八斤	八九〇包	八〇〇斤	五二〇斤	一三〇〇斤	三二〇〇斤	二二〇〇箱	四二〇〇包	五二〇〇包	三二〇〇箱
三斤	九〇包		二〇〇斤	三〇〇斤	二〇〇斤	一〇〇箱	二〇〇包	二〇〇包	二〇箱
		二〇〇斤							
外洋同	直隸同	營口直隸同	外洋同	四川黑龍江同	奉天吉林同	外洋同	台灣同	香港	安徽江蘇同



青 筍	牛 筋	蟹 肉	葛 仙 米	江 瑤 柱	魚 肚	魚 骨	魚 翅	海 帶 菜	針 金 菜
二〇〇〇 <small>斤</small>	三〇〇〇 <small>斤</small>	一〇〇〇 <small>斤</small>	一五〇〇 <small>斤</small>	二〇〇〇 <small>斤</small>	二〇〇〇 <small>斤</small>	一五〇〇 <small>斤</small>	一〇〇〇 <small>斤</small>	六〇〇〇 <small>斤</small>	五〇〇〇 <small>斤</small>
一九〇〇 <small>斤</small>	二九〇〇 <small>斤</small>	九八〇 <small>斤</small>	一六〇〇 <small>斤</small>	二一〇〇 <small>斤</small>	一八〇〇 <small>斤</small>	一四〇〇 <small>斤</small>	一二〇〇 <small>斤</small>	六一〇〇 <small>斤</small>	五二〇〇 <small>斤</small>
一〇〇〇 <small>斤</small>			一〇〇〇 <small>斤</small>	一〇〇〇 <small>斤</small>			二〇〇 <small>斤</small>	一〇〇〇 <small>斤</small>	二〇〇 <small>斤</small>
	一〇〇 <small>斤</small>	二〇 <small>斤</small>			二〇 <small>斤</small>	一〇 <small>斤</small>			
湖 南 同		直 隸 同	廣 東 同	外 洋 周	同	中 國 外 洋 同	廣 東 同	日 本 同	河 南 同

洋傘	藍花皂	洋燭	洋釘	火柴	大料	胡椒	花椒	面鹹	玉藍片
五·九〇把	二〇箱	二〇〇〇箱	二〇〇〇斤	五〇〇〇箱	一〇〇〇斤	一〇〇〇斤	三〇〇〇斤	二〇〇〇盒	一五〇〇斤
六·五〇把	二九箱	二二二〇箱	二〇〇〇斤	五一〇〇箱	九〇〇〇斤	一二〇〇斤	三二〇〇斤	二二〇〇盒	一六〇〇斤
六〇把	九箱	二〇〇箱	四〇〇〇斤	一〇〇〇箱		二〇〇〇斤	一〇〇〇斤	一〇〇〇盒	一〇〇〇斤
					一〇〇〇斤				
本國 外洋同	外國 洋同	中國 外洋同	外國 洋同	中國 外洋同	廣東 同	外洋 同	山東 河南同	本省 同	同

圖書	茶葉草	顏料	鉛粉	洋鹼	靛油	土鹼	紙煙	洋麵	洋毯
二〇〇〇套	二二〇〇箱	五七箱	二〇〇〇兩	二〇〇〇塊	九八〇兩	三八〇〇塊	五一五箱	九五〇〇〇袋	二〇〇〇條
一八〇〇套	二二三〇箱	五〇箱	二二一〇兩	一八〇〇塊	九九一兩	四二〇〇塊	四三〇箱	一一〇〇〇〇袋	三一〇〇條
	二〇箱		一〇兩		一一兩	四〇〇〇塊		一五〇〇〇〇袋	一一〇〇條
二〇〇〇套		七箱		二〇〇〇塊			八五箱		
本	安	同	同	同	外	吉	同	本國	外
邑城鄉鄰縣	徽同	同	同	同	洋同	林同	同	外洋同	洋同

皮 鞋	衛 鞋	草 帽	玻 璃	鐘 表	瓷 品	香 墨	石 筆	鉛 筆	毛 筆
三二〇〇雙	三〇〇〇雙	九八〇〇頂	二〇〇〇箱	四二〇〇架	二九〇〇〇件	一五〇〇〇觔	二八〇〇〇盒	三二〇〇〇打	五〇〇〇〇封
三五〇〇雙	二五〇〇雙	一二〇〇〇頂	二二二箱	三九〇〇架	四〇〇〇〇件	一七〇〇〇觔	三〇〇〇〇盒	二五〇〇〇打	五二〇〇〇封
三〇〇〇雙		四〇〇〇頂	一二箱		一一〇〇〇件	二〇〇〇〇觔	二〇〇〇〇盒	三〇〇〇〇打	二〇〇〇〇封
	五〇〇〇雙			三〇〇〇架					
本 省同	直 隸同	中國外 洋同	同	同	外 洋同	安 徽同	同	外 洋同	本 省同

皮靴

二〇〇雙

一八〇雙

二〇〇雙

同

化妝品

五〇〇宗

五二〇宗

二〇〇宗

中國外洋同

皮酒

五打

四五打

五打

外洋同

牛乳

五二〇打

五〇〇打

二〇打

中國外洋同

餅乾

二〇〇〇筋

二五〇〇筋

五〇〇筋

同

罐頭

二二〇〇打

二二〇〇打

一〇〇打

外洋同

橘子

一五〇〇連

二〇〇〇連

五〇〇連

同

甘蔗

一〇〇〇〇筋

一〇〇〇〇筋

福建浙江同

藥材

二〇〇〇〇筋

二〇〇〇〇筋

各省外洋同

木材

八〇〇〇〇料

八〇〇〇〇料

奉吉黑同



煤	油	一五〇〇〇〇〇箱	一四五〇〇〇箱	五〇〇〇箱	外	洋
木	炭	一二〇〇〇〇〇斤	一一〇〇〇〇〇斤	一〇〇〇〇〇斤	本	省
木	柴	二九〇〇〇〇〇斤	三〇〇〇〇〇〇斤	一〇〇〇〇〇斤	同	同

按右二表所列三十四兩年比表不過概畧近二年出入兩額均增十之四五稅捐徵收之數可作比例也

蠶業

本境頗宜蠶業桑蠶方在試驗時期尙未推廣惟山蠶佔出產大宗東南兩部山多地少土質礫瘠不宜稼穡居民多以柞蠶爲生計近年繭絲暢銷價格日漲外資因此輸入經濟因此流通利之所在人爭趨之故種柞者日多現時蠶場較十年前增多一倍較二十年前則不止兩倍將來桑蠶擴展利源當益闢矣試分叙於左

桑蠶



本境養桑蠶者現有二十餘戶城中蠶業試驗所現飼蠶子二兩五錢每兩種得蠶二十五萬頭約共得繭五百斤其種分一化雜交種新元種日歐雜交種中四種日一種春界一種其桑種有火桑湖桑雞冠魯桑實生魯桑荊桑等試驗所院內外及東門外等處分畫桑畦逐年增植四鄉農戶有願養蠶者桑種蠶種輒由所分布之並編輯蠶桑淺識一書俾人知所從事此業糊自民國九年教育所長齊國鎮首先提倡農務會長郭鴻遠亦在家試辦近來許所長麟英又極意研求頗有進步云

桑之性質及栽種法 種桑宜於排水佳良之砂質壤土次則沖積土宜高燥不宜低濕桑苗茁長後須用人工接穗乃能發葉繁多且肥美初種時擇佳楛使醱酵浸水中以手輕搓去其皮肉取實子晒乾種之夏種每畝須種一升春三升先淺耕施以薄肥布以種覆以細土二分厚用草苫覆之畦面乾燥則澆以清水苗茁後均其疏密以時除草施肥料入秋自得良秧

代採及摘葉 采桑有伐條采葉二法如就綻葉者順序摘之則收穫量多但多費人工

大約稚蠶時宜采幼葉至壯蠶期則伐其條肆探伐地桑或拳桑須僅留枝條基部之橫皺部分過短則芽不易發過長則上部枯死採桑之時以下午四五時爲宜蓋其時養分既多且無熱氣可免蒸發

桑病蟲害之防除 蟲害有尺蠖天牛絲蚧捲葉蟲介殼蟲象鼻蟲金花蟲等皆宜祛之 一桑園宜選高燥通風之地並勤除草自無飛蛾麝集二用網羅捕或夜間搖樹使蟲墮落以火燒之桑病有萎縮膏藥赤澀等類概由黴菌寄生而來其法當修整枝條時祇須留心剪切并切斷面塗以蠟以免菌病傳染

逐年剪桑次序 養桑須明剪定法蓋剪之適宜可以保目的之樹形第一年剪定栽植後離地一尺五寸至二尺伐去上部芽長二三寸時摘去下芽上留壯芽三使疏密得宜第二年春蠶一二齡中將上年所留三枝復留一尺至一尺五寸伐去上部摘下去芽每枝端再留壯芽三第三年春蠶二三齡中復將中上年所留之枝剪去上部每枝端留壯芽二第四年春蠶三四齡中再剪每枝再留二三芽此時桑高約四五尺第五

年春蠶五齡中

自收蟻至頭眠爲一齡  
自四眠至十歲爲五齡

將上年所留之條全部伐去俗稱上拳發芽後每枝留

四五芽以後逐年如斯枝端如拳形惟每春剪定時總在能發芽以前爲宜

桑品與蠶之關係

本境氣候較寒養蠶者祇宜春秋二次此二次中尤須分早中晚三

期如桑葉與蠶之發育遲速不相當則得繭必不佳良故須於火桑湖桑魯桑等選別其發葉之早晚分別種植以備應用又桑喜暖而惡寒地暖則發育期長乃能與熟蠶之期適合大約每地一畝可植桑二百四十株早晚均配足飼春蠶種四錢產繭約八十斤

蠶室之構造

蠶室宜清潔溫濕合度本境春蠶之初秋蠶之末往往多寒尤須注意普

通蠶室可建築草房間量一丈二三進深一丈八九以蘆席爲平棚以便保溫每間中設火坑內置火盆冷則生火地上鋪礬糠敷以蘆席以防濕氣上棚中留活門屋頂置氣窗視空中冷熱以時啓閉既可調節溫度又可交換空氣此係簡單構造也至於農家住室或兼養蠶亦宜略仿此法又宜有貯桑室以少日光通微風爲合宜地面鋪竹

簾堆葉其上時常翻動勿令蒸熱飼稚蠶宜將嫩葉貯缸內墊以竹簾敷以濕布

蠶種保存法 蠶作繭後在甕化爲蛹旬餘化爲蛾破繭甕出交尾產卵用上等棉性堅

紉桑皮紙每張約分二十八區母蛾一頭限產卵於一區內標符號中國種約產三百卵日本種約產四百產畢將紙消毒用顯微鏡審查母蛾無毒乃藏其卵備來春飼育者藏之溫度四十度室內備來秋飼育者則置之攝氏表零下度之地本境秋蠶收成較春蠶減二而人工消耗增二絲品亦低故人多育春蠶更不能有三熟之蠶也

飼養法 凡養蠶除設備蠶室及應用器具如蠶架箔網等件外約當桑初發葉時先日催青將室中或三盆器熏暖其溫度由五十餘度逐日增加至日加二度爲止並隨時於地面洒水以保適宜之濕度約二星期即可孵化次將種紙上孵化蟻蠶掃入蠶箔是夜將種紙二張對面合着用紙包裹以免出蟻四散午間十時至一時收蟻用蠶箸輕敲使蟻落下秤其重量備葉箔上撒糠然後撒葉蠶由糠出上葉蠶一錢占箔六七寸日後面積逐漸擴大次則除沙除去桑棘蠶糞使之清潔且免受寒或用糠或用蠶

網上布桑葉使蠶見葉自出蠶約五六日一眠大率四眠初眠起後宜飼新鮮乾燥葉每眠起後爲餉食期再一二日爲少食期再一二日爲中食期再一二日爲盛食期數期間溫度以六十八至七十二爲宜濕度以百分之七十至七五爲宜盛食期蠶體強食量大溫度宜少降過此爲催眠期不眠之蠶宜檢出之蠶室內忌烟酒香水臭氣

### 柞蠶

養蠶之利益 東南山地高亢皆宜柞蠶但東南多而東北少附郭接近處尤少柞四千株即可爲一把剪子約占地五六十畝或百畝爲一廠能放繭種六千個內得母蛾二千四百個產子五六十萬除病死外可得繭十萬至十五六萬個每廠年租百數十圓遇豐年可得利三倍

種柞法 柞有大小尖葉之別結實曰橡子種宜在砂石土壤每秋杪播種上敷土寸許株相距離四尺來春芽茁經六七年即宜飼蠶最高不過六七尺每四五年砍伐一砍次伐後一二年者爲芽科宜飼幼蠶及三四年四五年則祇宜壯蠶老蠶與桑蠶大略

相同

蠶種收藏法

春蠶種係上年秋蛾所產秋蠶種係本年春蛾所產每年寒露後自柞枝

摘蠶歸家置庭前棚上至雪時移置屋內筐中及冬至於火坑上放木板置繭其上日動轉一次令暖度平均來春清明以線繩串連挂和暖處蛾吐液由繭甕中自出置筐中交尾來日去雄留雌雌產子至穀雨孵化是爲春蠶至秋蠶自小暑時摘下至盛夏初伏出蛾置雌蛾於柞上產子自能孵化

山蠶飼養法

春蠶於屋內孵化後放於柞葉上以繩束柞枝免致暴風搖落俟蠶稍大

解去其繩食葉六七日自脫黑皮謂之初眠由是歷閱六七日而二眠而三眠而四眠身體遂漸發達大約三十日即可上簇由夏至迄小暑而繭成秋蠶於秋分間上簇至寒露而繭成飼蠶者分布於柞枝令多少均勻如食葉殆盡即移之繁葉處尤宜常防各病害

防柞蠶病害法

溼雨暴風霜寒蟲鳥皆能爲害風雨等害現在尙無防法害蟲用紅礬



攪合豆粉散布樹下蟲食之即死害鳥則用火槍威震之或束草爲人形鳥自不下蠶  
在初眠時或生黑點曰岫病二眠時或患吐瀉曰薄尿四眠至上簇時或患腐爛傳染  
甚烈曰黃爛斑飼蠶者尙無預防之術柞樹最患羊羊食枝葉則柞不發育故各廠皆  
禁牧羊

春秋蠶之比較 秋蠶期長半月每千繭比春繭重斤餘出絲八九兩春繭祇出絲五六  
兩春絲彈力弱而節多惟色稍白纖維稍細是其優點

繭之銷路 本城無繭絲棧迤東一帶多半銷安東南山一帶多銷海城與煙臺產繭而  
不繡絲更不能改良製絲織綢尙是缺點

### 典絲蠶

在本境東南算盤峪一帶近年產一種曲絲蠶形似桑蠶惟頭部較大體質色黑灰雜肉  
紅色之斑紋眠起時與桑蠶無大異食黃柏葉一名黃婆羅作成繭形與桑蠶同其絲強紉光澤  
柞蠶絲不及也可用製曲絲綢惟飼之者少將來或可推廣耳



附錄涂景濤在算盤峪詠梁振先餉蠶詩云婆羅樹發湧山綠山人種蠶趁春煥一眠  
再眠蠶漸長葉底蠕蠕山鳥啄彎弓驅鳥鳥不留還灑桃漿祀馬頭但期蠶老繭如甕  
抽成乙乙爲山綢綢成費盡纖纖手質向綺紈人不受那知山裡餉蠶人大布單衣襟  
露肘觀此詩可以略知蠶業之概況云

山... 蠶... 繭... 綢... 紈... 綺... 紈... 人... 不... 受... 那... 知... 山... 裡... 餉... 蠶... 人... 大... 布... 單... 衣... 襟... 露... 肘... 觀... 此... 詩... 可... 以... 略... 知... 蠶... 業... 之... 概... 況... 云

大約三十日即可上... 蠶... 繭... 綢... 紈... 綺... 紈... 人... 不... 受... 那... 知... 山... 裡... 餉... 蠶... 人... 大... 布... 單... 衣... 襟... 露... 肘... 觀... 此... 詩... 可... 以... 略... 知... 蠶... 業... 之... 概... 況... 云

遼陽縣志五編

物產

周南一什終以騶虞說者謂仁民餘恩及於庶類故草木茂而禽獸多蓋物產盈虛於  
人民生計有直接之關係規國者所必及也豈惟是誇多鬪靡侈廣聞見云爾哉爰以  
次列之

遼陽縣志五編 物產 周南一什終以騶虞說者謂仁民餘恩及於庶類故草木茂而禽獸多蓋物產盈虛於  
人民生計有直接之關係規國者所必及也豈惟是誇多鬪靡侈廣聞見云爾哉爰以  
次列之

續錄亦於此在竹筴時時樂樂先與靈詩云雲羅密雲山嶽山人極意迷存境一似  
再此說而食業或謂山鳥味與弓聯鳥鳥不留靈洞機靈處而世間靈老謂如靈  
神說之已甚內似謂成費道無機手實同轉執人不受那知山裡說靈人大和翠衣  
靈洞則此詩可以略知靈業之概況云

### 太僕之

人負坐有首發之關射張國香浪及及事對動故在是關羅對對聞見云靈靈靈以  
關南一廿幾以國與強香開之引新恩及外進靈劫草木去而食烟冬蓋許酒為龍苑  
神靈

版圖列志五臨

物產志卷二十八

九州方物不齊大都因水土氣候之適宜繁衍孳育以生以長不獨江淮橘柚易地弗良也今之遼陽一縣境耳然飛潛動植鑿各產有其他省縣普通產者有特生而獨產者舟鮫虞衡所難盡識山經爾雅所不及載間或有之爰追荒作兼別芸生非闕靡也聊供博物家之研究云爾述物產志第二十八二十九三十

植物 穀屬

稷 禮記謂之明粢說文齊也五穀之長明一統志作稌今稱糜子去殼爲大黃米晚種早熟邊地尤宜

黍 禮記曰藜合說文禾屬而黏者也又云黍有二種黏者謂秬不黏者謂黍爾雅翼黍大體似稷古人併言黍稷總之皆黃米屬可釀黃酒米粉清代貢品

蜀黍 種始自蜀今呼高糧土人用爲常飯漚爲米粉食品頗佳又呼糲子清代亦充貢蜀黍入麴燒酒糟粕可飼牲畜私燒者禁楮可以織蓆造紙土人用以爲薪本境土產

此爲大宗

黏蜀黍 穀分黃黑二種與蜀黍無異但性黏耳又一種管帚黍性黏穗長可製爲帚

稻 即詩之稌有紅白二種黏者爲糯不黏者爲粳又有一種曰秬比秠小早熟今人號

秬爲早稻秠爲晚稻出遼陽者色微青味尤香美號遼陽青又桃花米爲清時貢品

黏稻 即糯子味甘香可釀酒可爲糕粽等食品或漚爲米粉最佳

粱 較粟米粒大兼有紅白青黃諸色白粱即詩經之芑赤粱即爾雅之藟

粟 古以米之有苧穀者稱粟今以穀之最細而圓者爲粟穀曰飯穀米曰小米按周禮

九穀六穀之名有粱粱粟則粱亦粟也今小米色黃即黃粱也清時以此米及穀草充

賦

穠 爾雅謂之粟色赤性黏今呼小黃米亦有色黑性黏者

小麥 毛傳及群芳譜云小麥名來來苗生如韭成似稻高二三尺實居殼中芒生殼上

生青熟黃本境春種夏收與內省秋麥異然不及秋種者佳說文云麥屬金金旺而生

火旺而死邑西窪下地多種之

大麥 大麥與小麥芒葉相同名牟芒長殼與粒相黏未易脫小麥食法極多大麥止可碾米作粥飯及飼馬作麩藥之用此其異點也縣境西部窪田多種者通志云大小二麥夏無霧雨則收

蕎麥 伏種秋收高一二尺花白色結實成三角形種則皮色黑內粉細白味佳美境內晚田多有種者通志云其麩以黑龍江者爲勝歲取充貢本境燒鍋或用以造麩  
穬麥 有二種一類小麥而大一類大麥而大近年地成熟種之者少

稗 宜下隰地米最甘滑遼陽西鄙多有種者米可食及造飴糖不舂時可飼家畜藁可餵畜及苫房俗呼稗草

秔稗 多生秔地甘滑如秔土人以爲秔所化俗名粳稗草

玉蜀黍 莖葉似蜀黍子藏包中俗呼包米清時內務府漚粉充貢

西番穀 苗高如蜀黍葉如穀穗如蒲棒粒周穗外亦可食種者少俗名西黏穀煮粥食

高麗穀 穗火紅色類雞冠花東北邊種者多遼境亦間有之

薏苡 漢馬援征交趾載其種還今名草粟子入藥曰薏苡仁種宜窪地

蘇 爾雅謂之桂桂今有紫白二種收子榨油甚多產宜高地特以豆油充斥而蘇油罕見於市

脂麻 正字通云脂麻即油麻俗呼芝麻油曰香油爲油類中上品上地多有種者

苧麻 盛京通志云子斑紅如牛蠟者可入藥駱花者俗名大麻子二種俱可榨油今洋藥房所買蓖麻油即此

火麻 雄曰泉雌曰苴子曰麩可榨油皮漚爲麻曰線麻清內務府以之上官

大豆 古謂之菽今分黑白黃褐青斑諸色按通志所載諸色分別如左色黑者曰黑豆又名烏豆又有太烏小烏之別味苦不可食稻者入藥名稻黑豆色白者俗稱白眉豆色黃者名黃豆俗稱金黃豆色青者俗稱青皮豆合黑白黃青統曰大豆遼境所產最多佔輸出品之鉅額



小豆 有鰲白赤黃黑數種赤者入藥

綠豆 本草舊書皆作菘豆李時珍改菘爲綠性甘寒清熱解毒通志云粒粗而深綠者爲上粒潤而淡綠者次之較大豆粒小而圓與諸色大豆形性俱不同境內種者較大豆爲少磨麪可製饊餌漚粉可製條粉粉皮生芽可爲蔬

豌豆 博雅豌豆豌豆皆是也爾雅謂之戎菽李時珍曰豌豆種出西湖其苗弱柔宛宛故得名百穀中最先登者嫩時青色老則斑麻遼志謂之回鶻豆今有大小二種性不畏寒不擇土種者甚多

豇豆 爾雅胡豆豇豨也李時珍曰豇豆蔓生莢必雙生有紅白二種長而肥者充蔬皮薄者秋成食子名打豇豆廣雅指爲胡豆誤矣今本境豇豆儘可充蔬打豇豆吉江兩省多有之廣雅以爲胡豆非無因也

菹豆 色亦不一白者入藥李時珍曰本作扁莢形扁有早晚二種入藥者曰扁豆今本境呼爲氣豆

菜豆 如扁豆而狹長可爲蔬

刀豆 酉陽雜俎言樂浪有挾劍豆莢生橫斜如人挾劍即今刀豆也

雲豆 種自雲南來故名雲豆味頗佳子有白黑灰紫等色莢有長短

蔬類

韭 禮經名豐本早春最美可供祀今爲常蔬南史周顒傳春初早韭即此園韭可種葉

似薤而肥大高尺許六月出莖開小白花尖瓣六出攢簇成叢結子色黑如葱子

山韭 與園韭葉畧同作淡紫色獨莖一葉詩六月食鬱即此爾雅謂之薹

葱 春發名羊角秋種以白露味辛葷爲蔬菜中調味之品蘇頌圖經葱有數種入藥用

山葱胡葱食品用凍葱旱葱

山葱 爾雅謂之荅葉似藜廣雅云蒼山葱凡山韭山葱清內務府以時入貢

蒜 爾雅翼大蒜爲葫小蒜爲蒜中國種係大蒜也群芳譜云張騫得西域種歸國傳種

遂徧中國爾雅蒿山蒜也釋曰葷菜說文葷菜即今大蒜蒿乃今小蒜有紫皮白皮二

種

菘 坤雅菘性隆冬不凋四時長見有松之操南史周顒傳秋末晚菘即此李時珍曰今俗呼白菜有二種肥厚嫩黃者爲黃芽白窄勁者爲箭桿白近有疙疸白種來自外國山東白種來自山東皆菘類也

芥 芥之類甚多楊子方言鹽蕘趙魏之間謂之大芥其小者謂辛芥或謂之香芥爾雅

翼芥似菘而有毛極辛苦俗以大芥爲芋芥以馬芥爲癡芥白芥子入藥

芹 爾雅釋草芹楚葵郭注水中芹菜一作漈說文漈菜類蒿呂氏春秋菜之美者雲夢之芹高誘注芹生水涯即今之水芹菜也又名野芹考野芹頗多莖葉花子皆似園芹但園芹係單莖半圓野芹則歧莖通體俱圓園芹大如箸莖色青綠野芹莖粗倍之色有紫者此其不同也

藕 爾雅釋草荷芙蕖其根藕說文作藹一葉一華華常孺故名藕境內水池時有種植者惟其鬆脆次於南省

菠稜菜 劉禹錫嘉話錄菠稜種自西國來有僧其子來云是頗陵國種語訛爲菠稜耳

李時珍案唐會要云唐太宗時尼波羅國所獻今呼菠菜即此春初秋末種之

萵苣 俗名生菜本草附入白苣杜工部有種萵苣詩葉由根生者尖闊由莖生者爲心

臙形可生食

薺臺 俗呼臭菜子可榨油本草又名油菜秋末春初菜種食臺

蒴葵 張騫使西域得此種一名胡葵又名芫葵韻會胡葵即俗呼香菜

茴香 一名懷香有大小二種本草謂生佛誓國又名慈謀救實如馬芹爲大茴香一名

蒔蘿內生蟲可治疝爲小茴香高可四五尺葉裂如紛夏開小黃花子黑色入藥

花椒 李時珍曰其葉對生一枝五葉莖葉有刺四月生細花五月結實生青熟紅大於

蜀椒特不及蜀椒黑耳羣芳譜一名花椒一名檄生泰山瑯琊間秉五行之精故葉青

皮紅花黃膜白子黑氣香今俗呼花椒食品所需種於園圃者稍差遼境園圃中亦有

栽種者但冬令畏寒須設法護持之

秦椒 結椒長於棗而上銳生青熟紅味極辛土人多食之又一作秦芄結椒向上者名天椒狀如柿子者俗呼柿子椒爲辣芄二字義同

萋蒿 爾雅作藜詩予以采藜是也周南言刈其萋疏葉似艾正月根芽生莖正白色可生食今呼藜蒿菜按萋音同山野原隰皆生焉

蕨 毛傳蕨藟也爾雅郭注初生之葉可食埤雅蕨初生狀如雀足之拳又如人足之蹶故名陸疏云蕨山菜也周秦曰蕨齊魯曰藟關左人呼曰蕨山中處處有之二三月生莖嫩時無葉采取以灰湯煮去涎滑晒乾作蔬根紫色皮內有白粉搗爛洗澄取之名蕨紛又名爲如意菜以其初生葉拳未伸鉤向下時象如意故名

苦蕒 詩邶風誰謂荼苦大雅堇荼如飴爾雅荼苦菜也疏葉似苦苣而細斷之有白汁月令四月苦菜秀即此也花黃似菊初茁根葉皆可茹俗呼苗馬菜一種葉薄味苦者俗呼鵝鴨食菜

蓼 詩隰有游龍毛傳云紅草也陸疏云游龍一名馬蓼高丈餘一名紅蓼園圃種之以

供玩賞又名水葍子節間有毛葉如菸草花爲長穗其色深紅又有野蓼不種自生葉如柳花青白微帶紅色總之有紫蓼赤蓼青蓼香蓼水蓼木蓼馬蓼野蓼之別禮記鷄豚魚鼈皆實蓼於腹中而和羹膾蓋香蓼也今人但取蓼子生芽亦可茹

葵菜 古人常食故詩云烹葵及菽今罕供蔬者蓋古葵有多種羣芳譜及王氏農書皆云葵爲陽草爲百菜之主備四時之饌惟左傳云鮑莊子之足不如葵葵能自衛其足葵心隨日光所轉輒低覆其根故又名衛足花今遼境所產頂上作黃花大如盤亦隨日而轉俗名向日蓮其子皮青色可染罕有人食之者

鹿藿 一名營豆莢小而薄葉大如椒又名野綠豆遼境東山多有之牲畜嗜食土人多以之牧牛馬

芋頭 園蔬一種來自山東勝如地瓜地豆哺乳嬰兒最良遼境園圃亦有試種者惟不及山東之碩大而佳

地膚 爾雅謂之王葍今呼掃帚菜嫩可茹老時可爲筍帚子入藥名爲地膚子



薺 一名甘草師曠云歲欲甘甘草先生即言薺也應冬至而生北地多寒凍甫解即生苗葉畧似鳳尾草初生貼地如盤三四月間開黃花抽莖作臺一種毛薺白花結莢如小萍而有三角密綴莖上子細如沙折其莖作燈杖可避飛蟲之投故又各護生草薺初生根可茹詩云其甘如薺俗名甘蒂根即此

薺詩言采其薺注云惡草也俗羊蹄葉春生苗葉狹長一二尺似牛舌莖高三四尺餘色青節間微赤夏初起臺開青白花成穗結子三稜外皮大於蕎麥而實小夏至即枯子名金蕎麥根似大黃古人以爲惡菜惟凶歲凍初解時有掘其根以充食者至發葉後則有毒質

胡蘿蔔 李時珍云此菜分黃赤二種元時始入中國今北地多蒔之苗如邪蒿不可食冬月掘根生熟皆可啖兼果蔬之用今按嘉祐本草葫蘆巴蘇頌云番蘿蔔子可佐餐又可作菹

批藍 南方謂之芥藍葉可煮食北人謂之批藍根醃食甚脆



蘿蔔 爾雅云葵蘆肥今以圓而皮紅者爲大蘿蔔長而色白者爲青蘿蔔子入藥名菜  
菹子有根葉皆小四五月間擷之作菹者爲水蘿蔔

山藥 本名薯蕷亦可入藥蘇頌曰秋生實於葉間如鈴韓昌黎送文暢北遊詩云山藥  
煮可掘今按山藥產於懷慶者最佳實生於根圓而長至尺餘形不似鈴薯與蘇說異  
韓公所詠當即此遼境園圃多栽種者

越瓜 種始自越一名稍瓜短者爲菜瓜脆者爲脆瓜按菜瓜類似甜瓜惟其形較長味  
略酸

黃瓜 即王瓜月令孟夏之月王瓜生其種來自西域今爲常菜結瓜時色綠形細長略  
有茨蘇頌圖經胡瓜謂之黃瓜陳藏器云北人爲石勒諱胡改稱黃瓜

苦瓜 一名錦荔枝俗呼癩葡萄又名癩瓜味苦而皮癩亦堪作蔬

南瓜 時珍曰種出南番轉入閩浙二月下種四月生苗蔓延可十數丈葉狀如蜀葵而  
大如荷六七月開黃花結瓜正圓如西瓜皮上有稜如甜瓜一本可結十數顆其色或

黃或綠或紅經霜後收置處煖可留至春肉厚色黃同肉煮食尤佳本境農圃皆有之  
倭瓜 種出自倭故名又名高麗瓜色黃形圓俗呼柿子瓜按種瓜不同故有圓長之別  
然味無甚異爲本境普通食品

攪瓜 形橢圓類倭瓜而小老則肉生筋絨醬醃蜜餞皆可食食時以筋攪之其形縷如  
切者

西瓜 胡嶠陷虜記嶠征回紇得此種歸名曰西瓜松漠紀聞西瓜如扁蒲而圓色青翠  
經歲變黃其齏類甜瓜味甘脆中有汁尤冷遼陽產有三白金鑲玉青皮黑花臉虎黑  
桃紋青皮斑條等名瓢分黃紅白色

土瓜 即地瓜詩經采葑采菲詩緝云菲也芴也葑采也菘菜也土瓜也五者一物也

地豆 即土芋近因東洋人用爲佐餐常品種之者益多其形多圓故以豆名

打瓜 形似西瓜而小味甜而酸瓤白黃子大熟後剖瓜取子炒食最佳

冬瓜 本草一名白瓜深州風土記形類枕皮白如粉塗其子亦白本境春二月種若十

月種者結瓜肥好勝於春種冬瓜名以此但本境不宜

壺盧

蘇頌云即瓠瓜也狀大小不一夏末始實秋中方熟霜後方爲器莊子說剖之以

爲瓢即今壺盧今以長者名瓠子圓者名胡盧皆可食又有細腰者爲藥壺盧小而扁者爲油壺盧至老而堅皆可備器用

紅花菜

即山丹花又名野百合高二尺許紅花五瓣東坡詩堂前種山丹錯落瑪瑙盤

瓠

詩幽風八月斷壺傳壺瓠也又云匏謂之瓠瓠形似越瓜長尺許夏中熟秋末枯本

境園圃皆種之

黃花菜

一名金針菜即今萱草花蕊也園圃多有種者

祥穀菜

根如山蒜而小生田原間俗名小根菜予入藥

山豆

葉闊於榆似大豆蔓生莖圓紫灰色

酸漿菜

葉橢圓根紅嫩者酸而可食根深而滋蔓剷去復生最足害苗

河白菜

葉如白菜而厚生近水田間一名紫玉簪葉亦相似菜茹者多

薤 李時珍曰薤本作薤韭類也故字從韭從薤今人因其根白呼爲薤子江南人訛爲薤子其葉類葱而根如蒜收種宜火薰故俗人種爲火葱別錄云薤生魯山平澤蘇頌曰薤處處有之春秋分蒔至冬葉枯爾雅云薤山薤也生山中莖與家薤相類而根差長葉差大體性亦與家薤相類本境東山多有之

萊菔 李時珍按孫愐廣韻言魯人名菘蘧音拉荅秦人名蘿蔔王禎農書蘿蔔一種四名春曰破地錐夏曰夏生秋曰蘿蔔冬曰土酥上古謂之蘆菔中古轉爲萊菔後世訛爲蘿蔔本境各種皆產之

茼蒿 時珍曰茼蒿八九月下種冬春採食肥莖花葉微似白蒿其味辛甘四月起臺高至二尺開深黃色花狀如單瓣菊花一花結子近百成毬此菜自古有之最易繁茂本境於春秋種之冬夏則枯矣

藜 李時珍云藜處處有之即灰藜之紅心者莖葉稍大河朔人名落藜南人名臙脂菜亦曰鶴頂草皆因形色而名嫩時亦可食故昔人謂藜藿與膏粱不同老則莖可爲杖

詩云南山有臺北山萊萊初生可食陸機注云即藜也

灰藿菜 時珍曰此菜莖上有細灰如沙而枝葉翹趨故名梁簡文帝勸醫文作灰滌菜訛傳爲灰條菜雷公炮製論謂之金鎖天藏器曰灰藿葉心有白粉似藜但藜心赤莖大可爲杖入藥不如白藿山野園林皆有之

莧 陸佃埤雅莧之莖葉皆高大而易見故其字從見指事也別錄曰莧實葉如藍十一月菜李當之曰即莧菜也宏景云莧實當是白莧所以云細莧細莧即是糠莧被霜乃熟故云十一月菜又有赤莧不堪食馬莧別一種布地即生實至微細俗呼馬齒莧恐非莧實也

馬齒莧菜 蘇頌曰馬齒莧雖名莧類而苗葉與莧都不相類一名五行草以其葉青梗赤花黃根白子黑也別處生之

茄 廣韻音伽本草云茄一名落蘇拾遺錄云隋煬帝改茄曰崑崙瓜又養生論治瘡方用乾茄諱名草鼈甲以能治寒熱故也蘇頌曰茄有多種處處有之紫茄黃茄南北通

有白茄青水茄惟北土有之入藥多用黃茄其餘惟可作菜今按本地所產白色青色長形者多紫色毬形者少本境各種具備

蕘 名類甚多乃濕熱餘氣所生曰糯以軟濕者佳也曰鷄曰縱因味似也南楚人謂鷄爲縱曰菌猶蝸也亦象形也蝸乃貝子之名或曰地生爲菌木生爲蛾北人曰蛾南人曰蕘本境所產頗多若油蕘形似草蕘柳樹蕘灰白色惟新性采食味美筍蕘色白味美亦新性爲佳草蕘形同榛蕘生於蔭腐葉間松傘蕘生松樹下色赤味美榛蕘生榛科下高腳灰白裏榆肉生樹窟中色黃善固腎氣食品所珍榆蕘榆根朽腐所化其餘若黃者青者凍青羊肚蒿子鷄豚銀盤粉子等名屈指難數本境東山皆產之

杏葉菜 本草釋名薺薺根如沙參葉如杏江南平爲杏菜本境東山多產之

明葉菜 甜桔梗苗又花藍者俗名和尚頭

龍芽菜 有二種樹龍芽菜葉似椿而大初長刺條來年於頂上吐芽採爲茹地龍芽即升麻苗葉亦相似產於東山



廣東蕨 即貫象苗叢生紅紫色味鮮勝於青蕨產於山中多不見

貓瓜菜 生不擇地葉形如貓爪故名春夏間採食之

疙疸白菜 種自俄來惟在本境所生不如俄菜大是亦天時地利關係然也

糖蘿蔔 種自倭來可以製糖本境內近亦多有種者

絲瓜 李時珍曰唐宋無聞今南北皆有之一名天羅長者數尺其狀蜿蜒如蛇瓜時以

石墜之則直老則筋如亂麻可入藥或云近有以瓜絲製夏帽者質輕而良

草屬

繖麻 原隰之田種皆相宜葉大皮青高幾及丈夏末時熟花黃色半花半果時刈穫之

溫水中數日剝皮為麻用途甚多

菸草 原名淡巴菰本境多青菸即高麗菸至於黃菸品味不及吉林土產

棉花 夏開淡黃花秋結實如桃實熟則綻裂棉出以軋機去其子用為衣絮或紡織本

境高燥地多種之亦出產之一大宗



藍 莖高二尺許葉如蓼開小紅花成穗葉漚爲靛入藥則爲青黛鄭樵通志藍分三種  
蓼藍染綠大藍如芥染碧槐藍如槐染青通名靛草詩云終朝采藍是也自靛油輸入  
種藍者日少

茜草 蔓生莖方中空葉橢圓夏月開小白花根可染絳以山中產者佳並可入藥

芸香草 說文似苜蓿禮月令注香草也爾雅冀葉類豌豆而細叢生高一二尺乾時益  
香夏開黃綠色花葉可避蠹園間隙地人多種之

銼草 多生山野中乾時可治木器

葦 說文大葭也一名萑詩八月萑葦蕭蕭蒼蒼是也亦名蘆爾雅注云葦一物而三名  
也水塘多生之惟不及營海界之高大可製席箔也

羊草 西北邊謂之羊鬚草長尺許莖末圓勁如松針黝色油潤七八月刈積之經冬不  
變生山野間可用飼養牛羊

莎草 說文一名侯莎爾雅翼莖葉近三稜根周匝多毛詩云南山有臺即此莖宜編蓑

衣香附子雀頭香皆其名也

馬蘭

說文莞屬玉篇似莞而細可爲席秋刈乾之冬可飼牛狀似蒲而細小花色藍無香可染色根可爲刷月令荔挺出即此子入藥名蠶寶

老少年

一名秋紅一名雁來紅春夏葉色青黃至秋則漸紅如花土人謂之老來變又

一種六月葉紅者名十樣錦

香蒲

蒻如笋可食名曰蒲笋茸入藥名蒲黃俗乎蒲棒又一種臭蒲名菖蒲

荇

本草水萍大者曰蘋中者曰荇小者曰萍周南采荇箋云葉圓赤紫莖如釵股

蘋

爾雅蘋同蘋水上大浮萍也四葉相合中折十字浮生水面根連水底夏秋開白花

曰白蘋詩予以采蘋即此陸地者則青蘋也本境水塘菱茨間往往有之

藻

蘇頌曰溪泊中多有之葉大者曰馬藻葉細者曰水蘊詩云采藻重其潔也土人呼

水蘊爲雜草

菰

一名蔣俗名菱草春生筍亦可茹莖中如兒背者曰芡瓜結實曰菰米一云彫胡

水葱 生水中如葱而長又名翠管可爲席

萍 本草注小曰萍浮生水面或云楊花所化一葉經宿即生數葉下有微鬚即根紫背萍入藥

蓬 爾雅釋草齧彫蓬薦黍蓬今人統呼爲蓬子蒿蓬草科

芄蘭 蔓生葉綠而厚斷之有白汁子長數寸俗名雀瓢籬落及樹叢上多生之又名蒚拉瓢秋老自裂子毛如白絮隨風飄散來年自生

貓兒眼草 宏景曰大戟苗生時摘葉有白汁又名澤瀉葉紋如貓眼山地多有之

佛手松 一名拳柏又名萬年松生石上拳彎如雞足可爲菸之佐料

水稗草 湖泊四邊多有之可牧畜

莠草 詩不稂不莠孟子惡莠恐其亂苗傳云莠與苗同秀而不結實惟大有年時少耳俗名狗尾草是也

章茅 如竹而細可苫房每節有二穗高四五尺一名礩檐草

黃背草 一名黃稗草又名羊草層層有節可代章茅本境東山有之今有溝名曰黃背草溝

荻 爾雅謂之蕭陸疏今人謂之荻蒿或曰牛尼蒿白葉粗科生多者數十莖可作燭歧出葉如藁本而細開繁碎小花纍纍如粟秋老結子細如沙落地自生荒塚廢廟中多生之

金絲草 生於垣牆頂上者多可醫嗽咳

靴喇草 本境東山有之農人冬時墊靴喇中用以煖足又可製紙

茨 詩牆有茨即此也一名蒺藜又名爬山虎附物甚堅子三角形有刺布地蔓生赤足者不敢行

金線重樓 時珍曰蟲蛇之毒得此治之即休故有蚤休螫休諸名重台三層因其葉狀也金線重樓因其花狀也甘遂因其根狀也紫河車因其功用也夏月開花一花七瓣有金絲蕊長三四寸至六七層諺云七葉一枝花深山是我家癩疽如遇著一似手拈

擊是也東山多有之

木屬

松 羣芳譜云松百木之長猶公故從公字種類不一土人以結子可食者爲果松無子者爲杉松脂多者爲油松葉細如針者爲毛松葉銳如刺者爲刺松出遼陽東山一帶今所伐殆盡

柏 李時珍曰萬木皆向陽而柏獨西指蓋陰木而有貞德者故字從白白西方色也陸佃埤雅柏之拍西猶針之指南也柏有多名入藥惟取葉扁而側生者故名側柏陶宏景曰柏到處有惟以泰山爲佳忌塚墓生者其葉以秋夏采者良本境亦頗有之惟不及東北爲多

槐 爾雅疏葉大而黑者名榲晷合夜開者名守宮槐細而青綠者但謂之槐今山中皆有之花入藥未開者名槐子可染色花黃葉橢圓莢長寸許又一種來自日本皮外有刺堅硬發展甚速惟嚴寒時或至凍枯

杜 一名甘棠似梨而不結實移接梨樹結實甚佳東山多產之

椴 葉大皮黑紋細微赤者曰紫椴山蓐多生椴樹之下皮可爲繩引火昔時放鳥銃皆用之又可爲蓑衣

椿 葉香可噉者爲香椿

樗 似椿而葉臭土人呼爲臭椿

楸 類核桃葉羽狀甚大木細緻可製箱櫃之屬

刺楸 葉爲瓜形皮有刺木堅緻有花紋可製箱櫃之屬

茶樹 實如蝴蝶葉可爲黑色染料俗呼山茶葉

欒栢 生山上者爲山欒栢質堅緻可爲槍桿以蠟蟲食之又名蠟條又有水欒栢生近水處皮厚無黑斑文高大者材中棟梁

柳 說文小楊也埤雅云柳與楊同類縱橫顛倒植之皆生蓋柳之種類不一鄉村多植杞柳此柳長條下垂木性極柔用火逼以揉之可爲箱莢羅圈告子言杞柳爲栝椳者

即此葉似桃而狹長花爲小穗春老絮飛似蘆葦花鋪地如棉黃絲嫋嫋點綴村景亦屬不可少之木也陸疏云杞柳屬生水傍葉粗而白色木理微赤似以河柳爲杞柳也

楊 木名柳屬而葉大於柳王氏群芳譜云楊有二種白楊葉芽時有白毛裹之及盡展似梨葉而稍厚大淡青色背有白茸毛蒂長兩兩相對遇風則敕敕有聲高者十餘丈大者徑三四尺青楊比白楊較小木亦聳直高數丈大者徑二三尺葉似杏而稍大色青綠北方材木全用楊柳榆槐四木是以人多種之植宜下隰地木質不甚堅而能任重三五年便成材是可貴也

榆 爾雅釋木云蘊莖郭注今之刺榆陸疏云榆有十種葉皆相似皮及木理異惟刺榆白榆結子亦異白榆結子如錢刺榆結子纍纍如粟嫩皆可食嵇康養生論榆令人瞑博物志啖榆則眠不欲覺此言凡榆皆然詩唐風山有樞即刺榆也郭注無姑其實夷即姑榆也生山中葉圓而厚所謂蕪夷是也詩陳風東門之枌即白榆是也本境榆類甚多皆美材刺榆花榆尤佳刺榆可爲車軸花榆理細可爲几案凡榆臃腫處花紋尤



勝可飾器用人多珍之

桑 苞本名處處有之爾雅釋木云女桑椹桑山桑桑有莖有家桑野桑之別家桑葉大

徑半尺許微圓而末尖不結實分根壓條皆可栽植野桑葉小而薄結實纍纍生青熟紅熟極則黑數十粒黏而爲一種之亦生但罕長大材未徑尺則木皮即裂木質色黃根皮外黃內白堅韌似麻可造紙入藥曰桑白皮

壓 毛傳山桑也說文云壓山桑有點文者枝幹與園桑相似葉薄而小多極似花叢生無大木飼蠶最宜絲名壓絲禹貢曰厥篚壓絲壓桑條長有白斑點甚最多可食山野多有之

柘 桑之別種與山桑枝葉畧同惟枝有刺葉有毛葉薄有歧杈亦可飼蠶絲中琴瑟絃清響勝凡絲山野間有之

栲 似樗而葉差狹爾雅注謂之山栲色微白生山中唐風詩云山有栲爾雅謂之櫨似棣細葉葉新生時可飼牛皮理糾結質最堅俗呼紐筋子木大者爲

車軸次於刺榆唐風詩隰有杻是也

柞 詩云析其柞薪柞與栩相似但栩葉長而尖柞葉闊而圓柞樨枝有四稜木漸大則

皮皴厚稜亦漸隱性堅強中爲車材長極遲葉大如荷蒂長名波羅葉皮黃可染色

櫟 亦柞類一名栲質堅土人多以燒炭實名橡子蒂曰橡椀可染皂按櫟葉染皂亦佳

槭 鄭箋云槭白椶也山木之小者爾雅云小木叢生有刺實如耳檣紫色可啖色深黃

中心黑赤幹直不曲中有細孔可刻爲杖子大如小錢圓扁勻淨文理極細俗呼曰扁

蛋核線穿成串以供手玩

青剛柳 亦柞類材中爲弓葉較櫟爲薄

煖木 或云即黃蘗木皮煖可包弓把細者中爲鞭桿及文明杖之用俗名黃構櫟木

荊條 皮有紅白二種紅者可爲筐篋皮黑而粗勁者名鐵荊條可爲杖

皂筴樹 刺長皮潤角如豬牙者入藥長而厚肥者多脂長而瘦薄者枯燥子黑

山藤 木之類結子色紅枝柔韌中爲鞭桿今有以之爲文明杖者

明開夜合木 一名金銀柳結子如花木理細潤

老鶴眼 一名鼠李木堅緻有花紋皮可染色子赤黑如老鶴眼故名

東瓜木 似柘柳皮色青名水柘柳質堅中爲硯質輕易攜頗能下墨雖非奇玩亦自可

珍此木生於窪地葉橢圓而有鋸齒木紅而脆入水久不爛土人多用墊井底

黃楊 木堅難長東北大山間有之

棘 一名槭有赤白二種結子者名酸棗仁入藥不結子者爲牛棘俗呼棗刺科

冬青 寄生樹上葉厚微圓無筋子紅或黃經冬不凋

亮木 古木根莖所化夜觀有光遇雨益明移置室中即可燭物山中往往有之

臭梧桐 葉大色青八月莢熟長如豇豆滿垂如穗今人多種以爲玩賞

阿哥青 種來自外國複葉類槐色嫩綠花淺黃子結莢如扁豆秋成熟

元寶楓 種來自美國皮似楊葉尖分三瓣經霜則紅如二月花

苦丁香 葉圓有光而厚花細成叢下垂分紫白二色生山者曰野丁香

萬利木 來自美國生長成材最速可爲電杆道木今境多有栽種者

樺 葉橢圓多紋木外有浮皮大者可製船

榭 俗名胡構櫛葉大可飼蠶實與柞同而圓

達子香 高尺許滿人祭祀用以作香春末開紅花根香故名達子香

女貞 俗名女木生背陰地皮常青抽條甚長

### 花屬

長春花 葉似柳而厚柔條紛披黃花爛縵逐時開花俗名到挂金盅

迎春花 立春即開花色黃如長春

探春花 春過始開故名

金雀花 羣芳譜葉似槐而小季春開黃花形尖而旁有兩瓣狀如飛雀故名

牡丹花 木本諸色不一重瓣有徑七八寸者遼境初夏盛開惟冬多烈風必以土壅之

來春方茂

薔薇花 本多刺花有紅白二種單瓣者甚多

十姊妹 莖似玫瑰而小一枝數朵相簇不甚可觀多用本接月季

玫瑰花 小葉橢圓莖有刺花重瓣紅者可入食品黃者花微小俗呼刺玫野開者花皆

單瓣色紅子赤名山刺玫

鳳仙花 群芳譜莖有紅色白色葉長而尖似柳桃開花時頭翅羽足俱翹然如鳳狀俗呼指甲草性能透骨子入藥

木槿花 卽詩所云舜華也群芳譜一名朱槿花木如李高五六尺多歧枝可種可插葉繁密如桑末尖有極齒花五出自仲夏至仲冬花開不絕又有謂木槿爲常有之花大者高丈餘樹白色葉長微狹有極花大如蓋花粉紅者頗似大黍菊花瓣數重花開於五六月朝開夕落本境無仲冬開花者

生菜蓮 花有紅白二色單瓣朵大內生核中有子入藥名罌粟

虞美人 似生菜蓮而小

翠蛾眉 隨日側映鮮妍有致

蜀葵花 花色不一俗呼黍菊花紫者可染色紅白者可治帶疾一種莖短花小而單瓣者錦葵也俗呼小黍菊

向日蓮 即葵花

荷花 詩謂之菡萏與雅謂之芙渠今名蓮花有紅白二色大而豔

雞冠花 李時珍曰以花狀命名處處有之三月生苗入夏高者五六尺矮者數寸其葉青柔頗似白莧菜六七月開花形如雞冠有黃紅白數種花最耐久霜後始焦子在穗中黑細光滑

高麗菊 似草芙蓉而小花黃赤色

護草花 一名鹿葱喜生陰地花六出四垂嫩時采之即金計菜相傳食之可忘憂詩云焉得護草言樹之背可入藥

六月菊 金錢花旋覆花皆此也爾雅疏覆一名盜庚覆即旋覆花入藥

牽枝牡丹 俗名串枝蓮蔓生花粉紅色

扁竹蘭

宏景曰射干蘇頌曰射干之形莖梗疏長正如射之長竿狀故名高二三尺花

黃實黑根多鬚皮黃黑肉黃赤所在多有花形三角即射干花

山臙脂花

一名臙粉豆花紅黃紫白諸色類牽牛喇叭狀又名粉團花俗名草茉莉

紅藍花

史記集解引徐廣注曰茜一名紅藍其花染繒赤黃然紅藍染色以花不以根茜草染色以根不以花兩物之用迥異而紅藍挺生茜草蔓生形質又異紅藍草俗名紅花亦入藥園圃中多有種者

馬櫻花

花如絨團一名合歡其葉晝舒夜捲

金盞子花

本草釋名杏葉草長春花時珍曰金盞其花形也長春言耐久也秋後有子如雞頭實花黃如盞秋深猶茂

玉簪花

此花處處有栽種者二月生苗成叢高尺許柔嫩如白菘葉大如掌葉文如車

前草嫩嬌無比花開二三寸長本小末大一名白鶴仙未開時如白玉搔頭黃紫者差



小亦名玉簪宜在背陰地

捲丹花 六出四垂大於山丹先結子枝葉間入秋開花於頂根如百合俗名捲蓮花

石竹花 枝如竹小葉細長花單瓣色雜俱備入藥名藿麥

剪秋羅 有紅黃諸色四圍參差如剪故名

秋葵花 色正黃開亦向日與向日蓮各爲一種

荷包花 亦海棠類花形似荷包鬚與花如穗下垂故名

百日紅 木本花如丁香

千日紅 草本葉狹長花有粉色開於枝梢至冬葉雖萎而花不凋俗名乾疤花

醉八仙 紫如丁香

蘭花 葉如韭花粉紅色叢生莖上

蔦蘿花 蔓生葉如漢花紫紅色

江西臘花 花似菊色亦不一枝頗搖曳或云來自江西故名

水紅花 高者丈餘多生下隰地詩隰有游龍即此今園中往往植之

綉毬花 叢生如毬

菊花 禮記季秋之月菊有黃華本境天氣稍寒諸花皆晚開惟菊開應節向有旗人劉咸和善養菊諸種之花至冬仍盛

凍青花 葉如柳而圓新葉生舊葉始脫花紫色冬含蕊春夏方開

月月紅 即月季花

西番蓮 種自西域來花大如菊色亦不一今人多栽種惟畏嚴霜

佛頂珠 亦鳳仙花之類特獨莖花開頂上大於鳳仙花數倍

小桃紅 葉如櫻桃花紅色似桃而大瓣重極多夏歷正月末即能開放

果屬

櫻桃 本草釋名櫻桃含桃荊桃皆是也時珍曰樹不甚高春初開白花葉團有尖及細齒結子一枝數十顆三月熟時須守護否則鳥食無遺鹽藏蜜澱均可林洪山家清供

云櫻桃經雨則蟲自內生水浸良久則蟲皆出乃可食也本境多產之

杏 蘇頌曰杏處處有之種類亦多黃而圓者名金杏相傳種出自濟南或謂漢帝杏言漢武帝上苑種也熟最早其扁而青黃者名木杏山杏多不勝數寇宗奭曰金杏深赭色核大而扁乃接成者其味最勝又有白杏熟時色青白或微黃味甘淡而不酢王禎書農云北方肉杏甚佳赤大而扁謂之金剛拳本境皆有之

桃 李時珍曰桃性早花易植而子繁故字從木兆言其多也核仁入藥當取解核者種之易茁山桃仁不堪用今市賣者果雖大係接他木而成究不如本境天生者爲佳

松子 按本草松子出遼東及雲南今烏喇寧古塔山中最多俗名松塔塔中子可食如榛而長每塔約數百粒

榛 生於遼東山谷樹高數尺子如小栗時珍曰樹低小叢生花成條下垂長二三寸二月生葉葉多皺紋有細齒及尖其實作苞三五相黏一苞生青熟褐其殼厚而堅其仁白而圓大如杏仁

栗子 說文作栗从木从囟象花實下垂之狀也木大而堅皮皺而厚嫩枝赤色葉類櫟  
五月華九月采結實有房似球多制每房藏三四子不等以橡而不圓霜降後其房拆  
裂子自落本境千山所產甜美遜於范陽木質堅硬或用爲棺料

山櫨 時珍曰山櫨味似櫨子故名爾雅杙槩梅杙樹如梅其子大如指頭赤色似小柰  
可食即山櫨也此物生於山林者多猴鼠喜食之土人呼爲山裏紅大者曰酸櫨

棗 棗木赤心有刺四月生小葉五月開小花色白微青本境所產不及直魯之肥大甘  
美

安石榴 張騫使西域得安石國榴種以歸故名五月開花有紅黃白三色單葉者結實  
千葉者不結實或結亦無子實有酸甜苦三種潘岳賦榴者天下之奇樹九州之名果  
千房同膜千子如一禦飢療渴解醒止醉折條盤土內便生本境原無此皆關內移來  
以盆植之

梨 種類甚多渤海傳果有樂浪之梨今千山及廣寧者爲上接梨香水梨平頂香或鮮

或凍或蜜澱以時入貢又有酸梨皮黑而酢梨乾亦爲珍品

棠梨 爾雅云杜甘棠也赤者杜白者棠或云牝曰杜牡曰棠或云澀者杜甘者棠杜者澀也棠者糖也末說近是棠梨野梨也山林有之樹似棠而小葉似蒼朮亦有團者三又者葉邊皆有鋸齒二月開白花結實如小棟子大霜後可食其樹接梨甚佳有甘酢赤白二種

葡萄 李時珍曰漢書作蒲桃可造酒酺飲之則陶然而醉故有是名圓者名草龍珠長者名馬乳葡萄白者名水晶葡萄黑者名紫葡萄漢張騫使西域還得此種山產者一名夔臬苗葉與園種相似惟園產者大而味佳釀酒亦良近來本境所產極多每年輸出不下數千萬斤惟尙無造酒者

香瓜 即甜瓜禮記爲天子削瓜指此前清禮部供祀有瓜園向有銀皮芝麻粒高麗瓜諸名今密瓜尤佳蒂入藥名苦丁香

李子 爾雅翼云李乃木之多子者故字從木子時珍曰普通之李綠葉白花樹能耐久

其種近百其子大者如杯如卵小者如彈如櫻其味有甘酸苦澀其色有青綠紫朱黃赤縹綺臙脂青皮紫灰之殊早則有麥李御李四月熟遲則有晚李冬李十月十一月熟遼境所產多早李五月乃熟

稠李子 一名櫻額梨果形如野葡萄而稍小味甘澀清時乾之入貢暑月服之可以止瀉

山梔子 葉似稠李實小而圓柄極長熟時蜜濺甚佳

枸柰子 葉互生橢圓而長花淡紫色實如麥粒而大色紅其根亦入藥名地骨皮

菱 一名芰色有紫有黑形有兩角三角四角佳者歲取供祀實曰菰米又曰菱角米

芡 與菱同生水中葉圓大於荷葉色嫩翠可愛惟刺利如針芒漏於葉面上子如榛子

結聚百十粒於毛殼內形如雞頭故俗名曰雞頭米入藥名芡實

蓮實 莖出水數尺形如碗每顆十餘粒粒橢圓有尖嫩時青色可食兼以充蔬

郁李 爾雅謂之棠棣今多生山原間子如櫻桃仁入藥又有一瑞兆凡郁李收者歲必

大熟

蘋果 葉橢圓鋸齒甚細春暮開花粉紅色果圓略扁熟則紅碧相間味甚鬆美近年由東洋傳來樹苗結實較大間有栽植者

沙果 花紅類也果似花紅而大略扁熟則黃色

花紅 葉橢圓有鋸齒暮春開花色白有紅暈夏末果熟形圓而紅味酸

山核桃 生楸樹上形似胡桃而長殼堅厚肉味頗勝

文官果 形如小香瓜雜俎云形如螺蓋別一種

無花果 不花而實生於枝葉之間種自南來園圃中不恆有

燈籠果 外垂絳囊中含赤子如朱櫻俗呼紅姑娘味苦不甚可食

馬鈴薯 根結實大小纍纍可爲蔬飯又可製粉條俗名地豆子本草名土芋

落花生 有大小二種未悉種來何處莖高尺許蔓延地上葉似大豆而光澤夏時開蝶形黃花子房入地二三寸結實成莢圓長多皺紋炒熟食之味香境內種者頗多



歐李 叢生高二尺餘葉似李如櫻桃味酸澀

普盤 葉橢圓莖多刺實如桑基本地生者實小蔓生實較大者名高麗普盤俗呼唾盤  
藥屬

人參 遼境諸山曾有之今漸少凡初夏得者曰芽參花時得者曰朶子參霜後得者曰黃草參參鬚參葉參子參膏無不珍之高麗人參贊曰三椹五葉背陽向陰所來求我  
椒樹相尋頗得其形似

茯苓 生松下抱木者爲茯神大山多老松茯苓茯神及松香時間有之

牛蒡子 葉大如芋而長實似葡萄而褐色外殼似栗球而小多刺根有極大者作菜茹  
益人一名惡實業大亦可爲火絨俗名老母猪啍產於山野

藁耳 陸疏云實如婦人耳嚙鄭康成曰胡藁攷博物志洛中有人驅羊入蜀胡藁子多  
刺黏羊毛上遂至中國故名羊負來即詩卷耳也俗呼蒼耳子有刺多掛人衣

漏蘆 時珍曰屋之西北黑處曰漏凡物色黑謂之盧此草秋後即黑異於衆草故有此

名生山野間花紫色微有白毛蕊黃色三月花開根入藥可下乳俗名毛骨突花是也  
因陳 本草綱目曰此雖蒿類經冬不死更因舊苗而生故名因陳時珍曰昔人多蒔爲  
蔬曰家因陳入藥用山因陳今南人二月二日猶采野苗和粉麵作餅食之二月生苗  
莖如艾九月開黃花細瓣結實大如艾子俗名萬年蒿語云二月因陳三月蒿此也  
五靈脂 即寒號蟲糞寒號蟲即蝙蝠也

白丁香 即家雀糞入藥

郁李仁 俗名歐李子

五味子 蔓生葉厚而光夏末開白花實紅色爾雅謂之葶藶因蔓藤中具五味故名入  
藥以遼五味爲佳品

白附子 異物記云生東海新羅及遼東苗與附子相似根如草烏頭之小者長寸許乾  
者皺文有節一名節附俗呼兩頭尖產本境者通行遠省

細辛 葉闊而尖有長柄生於莖花黑紫而三瓣根多鬚入藥一名少辛管子云五沃之

土羣藥生少辛是也醫以遼細辛爲佳通行各省

黃精 服食上品博物志云太陽之草曰黃精初生苗土人采食之名筆管菜高半尺許葉長而寬夏初開白花下垂如鈴結實如黑豆曰黃精本境東山多有之

玉竹 莖有稜葉橢圓形有平行脉花色微白兼綠形如小鈴根入藥似黃精苗即小筆管菜又名葳蕤

芍藥 詩云贈之以勺藥毛傳云香草也韓詩外傳云離草也古人多有以爲食料者今用之爲藥材無有以爲蔬者陸疏云今藥草無香氣非此也遼陽處處有之婦孺皆識蓋芍藥爲草中之花有宿根春煖茁地生紅芽尖銳如筍莖高二三尺傍生歧枝一枝五葉畧似牡丹而狹長花開四月中色分紅黃紫白或粉紅皆可供玩賞赤芍卽芍藥根

艾 爾雅謂之冰臺博物志云削冰令圓舉冰向日以艾承其影則得火故名冰臺此物宿根易生莖高數尺葉似菊面青青白有茸而柔厚刈暴乾之點火不熄醫家取之灸

百瘡故名炙草又名醫草

百合 宏景曰俗人呼爲強仇根如蒜頭有瓣又一種卷丹子生葉間又山丹似百合而小根皆可食蓋一類三種惟百合入藥

車前 詩云芣苢好生道旁布葉如輪俗呼車輪菜抽穗結子即車前子

桔梗 有甘苦二種古名齊芑即杏葉菜其明葉菜根爲甜桔梗今不多見

五加皮 五葉交加故名宜漬酒

貝母 花白葉似韭詩云言采其蟲蟲與苘通注貝母也其葉似桔樓而細小其在根下如芋子色白

龍膽草 葉對生有三縱筋夏開白花根味苦

遠志 苗名小草即詩之蓼也

貫衆 葉圓碎一枝而衆葉貫之又名鳳尾草入藥用根

石韋 其葉生苔上背陰處亦可采以代茗

衛矛 幹皮薄旁展者翦羽

柴胡 葉狹長互生夏日開小黃花根入藥質硬者竹葉柴胡質柔者韭葉柴胡

防風 葉似青蒿而短小莖四稜高一二尺五月開細白花實似蘼子而大根土黃色  
可治風病故名

薄荷 揚雄甘泉賦作菱薜蘇頌曰薄荷處處有之莖葉似荏而尖長二月宿根生苗清明前後分之方莖赤色其葉對生初蒔形長而頭圓及長則尖本境園圃皆有之

女貞子 即桑寄生桑上之凍青也一名蔦

獨活 莖葉皆有毛小花五瓣一莖直上實紫色根入藥按此草服之有風可止風無風轉能引風故又名無風獨搖世有以爲草生地上能無風動搖者誤

苦參 葉互生夏月開黃花成穗結長莢子如小豆根入藥

升麻 莖高二三尺夏開白花蕊紫黑而多鬚去鬚用之

荊芥 莖柔輒爲箭鏃形秋開綠色小花

扁蓄 莖弱有節葉細如竹三月開紅花

牽牛 即黑白二丑俗名喇叭花入藥黑者力速

紫草 葉畧似雞冠莖葉俱有白毛夏日開小白花於頂根又爲紫色染料亦名此草

王不留行 宏景曰今處處有之葉似酸漿子似菘子三月收苗五月收子葉對生無柄

花如鈴鐸實如燈籠子黑色入藥時珍曰此物性走而不住雖有王命不能留其行走故名

瓜蒞 即詩之果臝根如天花粉前志載之今不多見

白頭翁 花紫色而有白毛蔽之近根處有白茸下垂

茺蔚 詩名葍今名益母草葉略似艾而細碎初夏開淡紫花產婦服之有益故名

夏枯草 寇宗奭曰今謂之臭鬱草處處有之亦茺蔚之屬方莖白花夏至卽枯故名

葶藶 亦入夏卽枯月令孟夏藜草死卽此

藁本 根上苗下似禾藁故名本木根也古人香料用之呼爲藁本香山海經謂之藁若

藥錄云藟芎苗藁似本花實乃不相同五月開白花八月結子根紫色本境東山多有之

蛇床 田野墟落甚多花葉正似蘼蕪葉青碎作叢似蒿苗高二三尺枝上有花百餘結同一窠似馬芹類四五月開白花又似傘狀子黃褐色如黍米至輕爾雅謂之虺床本境所產不如揚州爲良

蒼朮 即鎗頭菜根形如薑蒼黑色而肉白

大薊小薊 二者葉刺相似田野甚多二月生苗二三寸時併根作菜茹食甚美四月高尺餘心中出花頭如紅藍花花青紫葉多刺俗呼千針草又曰牛戳口有大小二種四月采苗九月采根并陰乾用大薊苗根但肥大爾

硝 城土熬成皮硝可攻皮芒硝可入藥火硝備軍需又鹵地亦可熬城

急性子 鳳仙花子也成則自裂故名

麝香 麝臍中香也生得最難



牛黃 多於牛胆中得之成雞卵及各形狀黃入水則破

獮皮 刺獮皮也

蜂蜜 蜜蜂所釀者可用

蜂房 即蜂巢也

白蠟 蠟樹所生者蠟樹即樺栢也

原蠶沙 晚蠶矢也淘淨晒乾用之

桑螵蛸 桑樹之螳螂卵也

滑石 色白微綠有珠光質極軟

殭蠶 以頭蠶色白未吐絲者糯米泔浸一日瀉起焙乾用之

菟絲子 爾雅謂之唐蒙詩云爰采唐矣即此抱朴子曰菟絲之草下有伏菟之根無此

菟則絲不得生於上然實不屬也按菟絲子今遼境豆田多有之俗呼黃藤子甚害豆

苗

蒲公英 千金方作鬼公英生平澤田原中莖葉似苦苣斷之有白汁可生噉到處有之  
即地丁也四時常有花花罷飛絮絮中有子落處即生中心抽一莖端出一花色黃如  
金錢又訛爲僕公罌遼境尤多俗名婆婆丁

物產志卷二十九

動物 禽類

雞 易禮俱稱翰音說文雞知時畜也玉篇雞司晨鳥也春秋說題辭曰雞爲積陽南方之象火陽精物炎上故陽出雞鳴以類感也本草云雞類多五方所產大小形色亦異無外腎而虧小腸凡人村無故羣雞夜鳴者謂之荒雞主不祥若黃昏獨啼者主有天恩則雞雖常畜而亦靈禽也又云遼有食雞角雞種卵大而殼多紅者爲本產足短身小卵白者爲高麗產種小毛厚喜孵卵善飛者爲廣東產毛與骨俱黑者爲烏雞餘有雙冠者反毛者孤凸頭者毛護兩腿者形色各異

鴨 爾雅舒鳧鶩禽經鴨呶呶其鳴自呼鳧能高飛而鴨舒緩不能飛故曰舒鳧尸子野鴨爲鳧家鴨爲鶩今案雄者鳴聲啞尾有捲毛白黑褐三色褐與黑頭綠其雌白黑麻聲甚大行時雄前雌後輒成行列喜近水夏月多露宿不善孵卵每以雞代之卵白或綠醃食佳肉腥冬日豢肥烹調得法可食

鷺

爾雅舒雁鷺埤雅鷺頸如瘤江東呼訶李時珍曰鷺綠眼黃喙紅掌夜鳴應更野曰雁家曰鷺色白或灰長頸大脚性機警晝夜有所見輒鳴聲宏大畜必雙高飛爲異主人忌之

鷹

禮記季夏鷹乃學習孟秋鷹乃祭鳥一名鷂鳩種類不一古以出遼海者爲上白鷹尤爲鷲猛展兩翼寬二尺許嘴長內曲如鈎爪亦最利分黑黃二色翎毛各有橫文捕食兔雉獵戶養其雛性易馴可使逐禽獸一種類鷹而小灰色尾有淡黑橫文以捕食小雀名雀鷹即鷗也一種身小色灰尾短嘴長向水面捕魚名曰魚鷹

鳶

詩鳶彼飛隼埤雅云鷹搏噬不能無失惟隼爲有準故準字從隼一名晨風隼之飛如風之疾故有風名一曰鳶字從弋爲隼捉雀如弋之射秦詩云鳶彼晨風大雅鳶飛戾天曰鳶曰戾天文義與此詩同是一物也又名負雀爾雅釋鳥鶡負雀郭注云鷄也江東呼之爲鵲善捉雀今俗名鷄鷹嘴短毛長眼至疾慣向空中盤旋下注尋食見蛇鼠等物遽攫去又好捕雞雛

鷓鴣 爾雅釋鳥鷓鴣鵪鶉也郭注云言鷓鴣類者以鷓鴣與怪鷓鴣臬鷓皆帶鷓字鷓鴣又名茅鷓爾雅郭注今鷓鴣也又雀老鷓郭注本兔也似鷓鴣而小兔頭有毛角夜飛好食雞說文云雀鷓屬有毛角所鳴之處其民有禍總之非一物也鷓鴣似鷹鷂立高二尺餘羽黃蒼斑文頭如兔毛角雙峙圓目利爪晝伏夜出破他鳥巢食其子及卵入村鄉攫雞貓食之其鳴如撮口相呼嗚嗚不歇又如人鼾睡聲俗呼曰啞虎曰狼扈常見者毛角如兩耳酷似貓首俗名貓頭鳥眼黃而圓大莊子謂夜撮蚤察秋毫晝出瞑目而不見邱山是也俗呼夜貓子

鴻雁 詩毛傳大曰鴻小曰雁禮月令所言鴻雁則鴻皆雁也形似鷺灰褐色鳴聲嘹唳飛則成行爲隨陽之鳥秋南春北每就沙中棲宿

鵠 顏師古曰鵠水鳥其聲鵠鵠本草鵠大於雁羽毛白澤其翔極高而善步一名天鵠又名黃鵠形頗似鶴亦曰黃鶴與雁異

鳧 爾雅舒鳧鶩䟽野曰鳧家曰鴨俗名野鴨有大小兩種小者嘴稍圓結隊高翔曰風

鴨大者嘴扁同家畜聲亦相同低飛曰撲鴨春初冰解秋末水寒時咸臨河捕魚平時罕見

鵲 俗名水老鵲有灰白二色高足長頸啄稱之慣棲淺水捕魚得鱗類屢吞屢洩末餘脊刺一條其巢每在高樹上羣集多年不輕移

鷺鷥 水鳥而林棲者類鵲頂有長毛後拖全身潔白如雪西人每購其羽爲婦人首飾縮脖子鳥 灰色形似鵲翅大脚高飛則縮頸俗呼縮脖子

水鷺子 小鳥也赤褐色馳行甚疾鳴則啾啾沙渚間輒見之

翡翠 雄赤翡翠雌青曰翠翠者人易著眼予名菘豆雀就河崖穿窟爲巢深二三尺水邊小鳥也

鵲 本草鵲大如鴉而長尾尖嘴黑爪綠背白腹上下飛鳴以音感而孕以視而抱冬季始巢開戶背太歲向太乙知來歲多風巢必卑下其鳴啾啾故謂之鵲靈能報喜故謂之喜鵲性最惡濕故謂之乾鵲

鳩 禽經拙者莫如鳩不能作巢多在屋瓦間或於木上架結木枝初不成巢僅以生子  
往往墜雛鵲巢甚堅雛成飛鵲則棄而去容有鳩來處彼空巢故詩云維鵲有巢維鳩  
居之毛色大小不一通曰斑鳩一種鳴鳩禮記仲春鷹化爲鳩仲秋鳩化爲鷹指此形  
大於斑鳩長尾一名布穀

燕 說文燕玄鳥也燕有兩種紫胸輕小者越燕斑黑而聲大者胡燕春來秋去皆以社  
日故文曰社燕

鶉 本草鶉大如雞雛頭細而無尾有斑點雄者足高雌者足卑鶉性喜鬪土人呼爲鶉  
鶉惟青蛙化者則不鬪

雀 一曰瓦雀時棲簷瓦間故名亦曰家雀梁穀初熟時菜蔬方生多被啄食頗爲農家  
害又蘇雀赤褐色喜食野蘇子又豆雀色灰頂毛長眼後角有黑斑文喜食冬青子又  
麻雀類家雀而大倍之身多白斑喜食老鶻眼木子是皆山間小雀及雪滿空林飛繞  
村樹覓食又靛雀兩種以頰下分之紅曰紅靛頰藍曰藍靛頰善鳴捕得者籠畜之又



有雀小而黃春初鳴輒徹夜聲類豹鳩而清細俗呼人侵爲棒極謂此鳥棲處有侵又名棒極雀

烏鴉 俗名老鴰身同黑難辨雌雄說文烏孝鳥也廣雅純黑返哺者謂之烏小而腹下白不返哺者謂之鴉俗名山老鴰

鵓 陸佃曰鵓性喜合凡鳥雄乘雌惟鵓雌乘雄逐月有子唐明皇呼鵓爲飛奴正字通唐鄭復禮言波斯舶上多養鵓鵓能飛行數千里放一隻至家以爲平安信今東西洋人遠行或行軍多用寄書俗分野鵓家鵓兩種

鷓鴣 類鳩而大嘴細長上半鈎曲頸毛有青灰點如鱗時鳴聲和緩將雨則急俗謂其喚雨一種類啄木鳥色紅頂毛一簇尤艷春初鳴則咕咕聲高而促喜巢樹窟被捕放臊俗名臊瓜鳩一種類麻雀而大倍之翅與尾有白文仲春鳴於山林聲高而淒聞數里喜食柞蠶俗名豹鳩

青燕子 大如雀鷹青灰色喜巢高樹日夕飛繞村落捕食卵小而圓有紅黑斑點

鵲

大如燕青灰色飛則迭起迭落行時動搖其尾俗名狗尾把點點水邊多見之

雉

尚書謂之華蟲禮經謂之疏趾今呼野雞孟冬雉入大水爲蜃遼地雉雞冬月羣飛入海潮上擁入沙中久之變蜃殼宜軍中號器其未成者海邊人得之猶雉形也本草云雉飛若矢一往而墜故字從矢雄大雌小雄背赤胸黑有白毛一輪尾翎長尺許有黑橫文全身悉華麗人得之每以雄雌兩贈爲禮俗名山雞

樹雞

似雉而小脚有毛爾雅註云鷓鴣大如鵲似雌雉鼠脚無後趾出沙漠地境內東山亦多有之亦呼沙雞

黃鸝

即詩之黃鳥一名倉庚風土記六月東南風海魚化爲黃雀禮季秋雀入大水爲蛤指此俗呼黃鳥

鐵雀

雀之大者爪堅如鐵置罔覆網取之漏網者未幾復至亦鳥之義而愚者冬則羣飛入海

練鵲

似鵲而小黑褐色頂上披一帶一名帶鳥長尾白羽今呼拖尾練又名大尾把練

魚鷹 大於鴉色黑鉤嘴食魚一名鈎魚郎

蠟嘴 身灰羽黑雄者有黑頸雌則否嘴曲而厚澹黃色如蠟故名方兩不鳴鳴則啞啞  
爲將晴之兆

鷓鴣 身灰色有黑細斑文頸黃嘴尖巧於營巢巢大如雞卵以馬鬃懸樹間莊子云鷓  
鷓巢林不過一枝詩謂之桃蟲喙利如錐取葦葉爲巢最工緻俗名爲巧女

啄木 爾雅曰鷲啄木嘴如錐長數寸形色大小綠黑不一諸雀舌皆根於喉而藏於味  
子 惟啄木舌根通腦後舌尖引之逾長樹中蠹蟲雖潛穴隙亦能鉤取食之俗呼啄木冠

戴勝 似山鵲尾短長嘴青色頂有毛角如戴花月令季春戴勝降於桑嘴與脚皆赤色  
羽多文彩美麗

銅嘴 似雀而大色灰黑喙青黃如銅

鐵嘴 形類窩藍無角頂

錫嘴 嘴白

蒿雀 多伏蒿間俗呼蒿溜子

畫眉 似鷹而小黃黑色其眉如畫善鳴種自南來人家有養之者

三道眉 其眉似分三道故名

柳葉兒 色淡綠小如指

串柳兒 類柳葉雀形微大

鳳頭鳥 一名阿藍韋昭謂之鷓鴣有毛冠者曰鳳頭呂覽注鷓一名冠雀是也小者曰

清水又曰叫天爾雅謂之鷓鴣尾短多聲

寒號蟲 一云即鷓鴣狀如小雞足有肉翅夏月毛盛冬時毛脫鳴益急糞入藥即五靈

脂

蝙蝠 爾雅謂之服翼晝伏夜飛糞入藥即夜明沙

獸類

牛 說文曰牛大牲也隋書百濟傳畜有牛五代史女真地多牛禮記祭宗廟之禮牛曰一元大武以純黑者供祀今多用之耕田挽車農家畜之回民頭利其皮肉多宰殺之馬 唐書渤海傳俗所貴者率賓之馬按率賓在今奉天東與高麗僅隔一江內地馬大高麗馬小清時有官馬羣駐牧各處馬極蕃庶本境所產無多半購自北邊

驢 玉篇似馬而耳長正字通驢長頰廣額修尾有灰白黑三色以午及五更初鳴協漏刻又云女真遼東出野驢但野驢色駁鬃尾長

羸 即俗名騾字說文驢父馬母正字通羸似驢而健驢力在髀羸力在腰乘者隨其力進退之史記單于乘六羸本境農家多畜之

羊 古禮用羊詩傳曰小曰羔大曰羊北盟錄女真多牛羊山羊色黑較多白者名綿羊取氈可爲氈皮可爲裘禮記羊曰柔毛以其柔軟生煖也

犬 爾雅釋文引字林云狗家獸也周禮疏犬有三種一田犬二吠犬三食犬通考女真地多良犬案今犬多黃黑二純色或駁雜色本境有三種一身長足高狀黑而性馴一

身偉足短俗名板橙腿喜狂吠一身小頭圓面凹視聽尤靈曰巴狗毛有類獅者

豬

爾雅豕子豬揚子方言關東西或謂之彘或謂之豕北燕朝鮮之間謂之豨通考女真獸多野豬大金國志女真獸有白彘案今豬色多黑頭與腰或雜有白毛亦有類獾子者爲人民肉食一大宗幾無家不豢養之茲分二種一頭小腹大肥俗名荷包豬一長嘴大耳身與足稱重可三四百斤俗謂之閩豬

貓

捕鼠獸禮記大蜡迎貓爲其能捕鼠也案俗謂牡者爲狼貓牝者曰乳貓多黑黃色亦間有狸花者本境滋育不繁人家恆珍視之

兔

有在家在野二種家畜者毛色純白或純黑長耳缺唇足前短後長躍而不走性最易馴在野者與家畜畧同毛色雜似獾貉或有白者則不習見本草兔尻有九孔或云兔無雄中秋望月顧兔而孕曲禮兔曰明視陸佃曰兔吐也明月之精視月而生故曰明視王充論衡言兔舐雄毫而孕生子從口中出乃蒲城原子云兔之雌雄其孳尾無異他獸每月一孕生子則以土培之而壅其穴或竊啓其戶子輒不成蓋古所謂視月





狼 埤雅云狼大如狗青色作聲諸竅皆沸善逐獸俚語云狼卜食狼將遠逐食必先倒立以下所向故獵師遇狼輒喜狼之所向獸之所在也其靈智如此說文云狼似犬銳頭白頰高前廣後陸疏云狼鳴能小能大善爲小兒啼聲以誘人其敏捷者人不能制其膏可煎和其皮可爲裘夫狼有智多疑人亦庸設疑陣以制之或作深阱內藏小豕以誘之或於山澗要路各挑繩網各燃火繩逼之走墮擊以手礮往往有獲其皮溫而毛厚者以爲褥品極名貴本境東山恆有之

狸 毛詩取彼狐狸形似貓毛多斑文禮檀弓貓首之斑然宋史有野狸之名與家貓畧同或黑色或犁文比貓身軀較偉面腰俱長大者長二尺餘毛厚而細圓目爛爛足最捷恆入村竊雞食正字通云野貓有多種大小似狐圓頭大尾者爲貓狸

獾 形似豕體小而肥毛斑駁深褐色在山食柞蠶入田食玉蜀黍秋殘薰其穴取之皮可爲褥去潮溼甚宜

蝟 與鼠同類異種長尺許喙尖尾禿多刺毛俗名刺蝟能竊食瓜類捕得以筐覆之經

宿則無咸謂其能土遁

鱗介類

鯉 正字通神農書曰鯉爲魚王有赤白黃三種沙河之魚鱗作金黃色鬣尾俱赤俗名赤鯉生於泥澤中者鱗作黑色俗名黑鯉蘇氏本草云鯉脇鱗從頭至尾無大小皆三十六鱗每鱗上各有小黑點三十六者六六之數六六陰數也魚口有雙鬚扁禮大鱗重有至十數斤者太子河產極佳

魴 爾雅釋魚云魴魴郭注云江東呼魴魚名鰠一名魴今土人呼之曰鰠花義猶近陸疏云魴廣而博肥恬而少力細鱗魚之美者故語曰梁水魴以其特肥而厚尤美也梁水即太子河出鰠花魚縮項穹脊扁身細鱗誠魚中上品也

鯽 廣韻鱸鮓也郝云鮓今之鯽魚本草云形似鯉色黑體促腹大脊隆起而狹頭與口亦小河及深水泡皆有之長者有尺許性煖能補脾杜甫詩鮮鯽銀絲脰蓋詠其美也 陶氏本草註謂爲公螭蛇所化性至難死猶有蛇性然此魚多居深澤大者二三十

斤形長體圓黑色大鱗花紋似蟒有鬚鬣尾頭上有七小孔如北斗星象亦有子生小魚不必盡屬蛇化也俗云鱧魚有毒然人亦常食之不甚甘鮮呼曰黑魚又曰黑魚棒言其能跳以尾擊人也

**鱣** 詩齊風其魚魴鱣鄭箋云鱣似魴而弱鱗細腹腴頭銳形扁陸農師云鱣好羣行相與故曰鱣相連也故曰鱣今俗猶呼爲鱣子

**鮓** 無鱗似鱣而大俗呼槐子魚

**鮎** 即詩之鱣身圓性偃無鱗生流水者色青白生止水者色青黃按鮎鮎二魚太子河中亦有極大至數十斤者較混同江黑龍江產百數十斤者味美肉細

**鱮** 詩魚麗於罾鱮鯊毛傳鱮者揚也又鱣也皆鱮之同音字黃頰黃頰言其色異於他魚但無鱗黏滑如鮓鮎鱮脊有硬刺手不可捉故必用罾以捕之俗呼爲黃昂頭圓口小尾部稍寬腮骨橫亘軋軋作聲喜居深水當夏至時夜赴淺水產卵向曉即還漁者者知其性五更時入河阻其歸路捕獲且易

鰈 詩齊風其魚魴鰈毛傳鰈大魚鄭箋鰈魚子也孔叢子說鰈與魴皆中魚衛人偶得  
大者詫異之耳案鰈一名黃頰一名鹹俗呼鹹條本草鹹魚即鰈魚一名鰈魚鹹敢也  
鰈嗜也食而無厭也又其性獨行故曰鰈李時珍云鰈體似鯨而腹平頭似鮫而口大  
頰似鮎而色黃鱗似鱒而稍細大者三四斤啖魚最毒池中有此不能畜他魚或呼爲  
赤眼魚

鱖 長二三寸鱗細形狹腹曰背青性浮善跳諸河皆有之出水即死味苦肉少俗呼白  
漂子魚

鱖 鱗細形窄腹扁頭尾向上大者長五六尺肉中多細刺或云武王白魚入舟即此今  
太子河內不多見矣

重脣魚 即詩之鯊魚如鱒而狹色淡黃圓身大鱗而多肉肉美在脣脣且重故名大者  
重十餘斤春初冰開可網可釣鮮美之極

鱖 三月節後始出壯狹而長薄如削木片亦如長薄尖刀形細鱗白色吻上有二硬鬚

腮下有長鬣如麥芒腹下有硬角刺快利若刀近尾有短鬣肉內多細刺人呼曰刀魚黃鯛似白魚而頭尾不昂闊不踰寸長不經尺土人呼爲黃鯛子

沙鮪 俗呼沙咕嚕子身圓口小有斑鱗分黑黃二色重不過半斤年久者尾禿寒露入沙祇露雙眼及霜降則深藏不見來年三月始出人呼爲沙鯛魚

草根魚 嘴短身扁有鱗性善跳未易捕秋寒時羣入河澆淺水尙可網取

馬口魚 口大身小體扁有鱗上脣中缺口合時賴下腭餘骨補之時與草根魚爲羣取法亦同

船釘魚 長二三寸大頭闊口身扁鱗細黃色有斑見人則喙插泥中孕卵時口生疙疸過時則無諸水皆有之

河豚魚 狀如蝌蚪腹下白眼能開閉血及頭子有毒殺人人鮮食之今河中亦不多見鱣 似蛇無鱗亦作鱗作鱣惟尾稍扁有青黃二色大重斤餘身多液而滑未易捕水濁可釣冬季冰結羣入泥中以有刃鐵鈎搭之

鱓 似蛇而短鱗有硬刺尾亦雙歧冬水結冰匿泥中故俗名泥鰍魚

鼈 李時珍曰鼈甲蟲也水居陸生穹脊連脇與龜同類四緣有肉裙故曰龜甲裹肉鼈

肉裹甲無耳以目爲聽純雌無雄以蛇及鼈爲匹萬畢術云燒鼈脂可以致鼈也夏日孕乳其抱以影坤雅云鼈卵生隨日影而轉在水中上必有浮沫人以此取之從類云鼈一鳴而鼈伏性相制也又畏蚊生鼈遇蚊呼則死凡鼈得蚊煮則爛而薰蚊者復用鼈甲物相報復如此異哉俗呼團魚脚魚甲魚入藥又菜鼈可食食法先去頭水浸經宿消除腥血調和乃鮮最能補益

蚌 蚌與蛤同類而異形長者通曰蚌圓者通曰蛤故蚌從丰蛤從合皆象形也蚌類甚繁今本境河泡中多有之殼橢圓色黑有紋肉臊不甚堪食故俗名臊蛤子

蟹 本草謂之螯蟹方言謂之郭索蟹譜謂之橫行介士抱朴子謂之無腸公子雄尖臍

雌團臍蟹本水蟲故字從蟲亦魚屬也故古人從魚以甚橫行則曰螯蟹以其行聲則曰郭索以其外骨則曰介士以其內空則曰無腸今諸河皆有之八爪雙螯筐圓芒短



與海蟹稍異春初冰解溯流而上脫殼洞居至秋大而且肥捕法以光照之則自出或以繩綴黍穗引之或用網取

蝦 河蝦與海蝦同類而小味亦稍遜至溪澗池沼產者多草蝦身黑而屈亦可食或有以之治痘疹者合韭根搗爛服之發表有效

蝦蛄 俗名喇蛄形頗似蝦而前無長刺蟹身魚尾殼堅厚穿洞深藏山澗石下多有之捕多搗爛入袋如漉豆漿取汁熬熟類豆腐而味甚鮮

蛤什蟆 爲水陸兩棲之物體短上銳下廣後二足倍長於前背純黑腹白者雄紅者雌秋末入河及來年冰解就溫水泡產卵生子一種爲蛙身或黃背有二縱線如金伏於青草池塘鳴則聒聒有捕食者惟味不及蛤什蟆一種爲田雞較蛙肥大黑質而白文寒時藏於窪田春耕輒見之又有樹蛙身小而綠慣棲樹間雨後輒鳴又有螻蛄俗名水狗體瘦小腹深紅色水泡有之而喜浮水面鳴則唯唯皆不可食

癩蝦蟆 體軀肥滿行動舒遲背褐色有疥磊夏令各處皆有吸食蠱蠅之屬其眉間白



汁入藥曰蟾酥又一種類癩蝦蟇而小兩頰有氣胞漲縮成聲物小而聲宏水泡多有之

鰕魚 時珍曰此魚喙有一針故名河水漲時下游時見之

銀魚 李時珍曰鱠殘魚出蘇松浙江大者長四五寸身圓如筋白如銀無鱗今渾太二河皆出惟太子河所出形小色白冬月得之味甚鮮

水蠶 長寸許多輪紋六足雙尾水邊石下有之

水牛蠶 類海螺而小殼亦最薄河中石下有之不可食

水蛭 俗名螞挑池塘間多有之長至二寸許色黑無足行時水中如蛇口最利慣附人畜肌膏吮血昔楚王吞蛭愈血疾或即此物

水螳螂 水中甲蟲也背赤褐色形如半栗腹與足皆黑多見水泡中

水黽 黑褐色狹細前翅爲革質六足浮行水面而體不濡俗名螳螂子又名水螞蟯

昆蟲類

蛇 詩維虺維蛇虺蛇皆毒蟲蛇有烏白黃赤以色名王蛇線蛇花蛇兩頭蛇以形名巴蛇斲蛇常山蛇以地名而總名曰蛇酉陽襍俎有草木水土四種蛇埤雅云牛以鼻聽蛇以眼聽爾雅翼云蛇常飢每得食稍飽輒復蛻殼冬含土入蟄及出蟄則吐之草蛇能於草上行俗名草嘯子水蛇居水澤俗名水長蟲木蛇棲樹與樹皮相似俗名貼樹皮土蛇土黃色亦居土穴又有一種蛇大於諸蛇皮作黑黃文俗名烏稍蛇蓋蟒屬也虺亦蛇類而其毒尤甚於蛇遼境氣候寒有蛇無虺是害蟲之尤也

蜥蜴 體長二三寸背淺灰色腹白四短足田野間多有之聞人足音突奔數尺乃伏斷其尾尾久跳不死俗名馬蛇子爾雅蜥蜴守宮也說文在草曰蜥蜴在壁曰蜥蜴古今注一名龍子或曰蠺虎其實蠺虎體小形與蜥蜴亦異非一物也

蟋蟀 毛傳云蟋蟀蛩也郭注促織也亦名蜻蛚蟋蟀有在家在野之異其在野者圓頭修股形似阜螽而小色黑有光澤翼短不飛而善躍多居黍禾田中其在家者形與在野者畧同色微蒼而有白花文應秋而鳴暑居庭外石砌敗垣中或居古牆頽壁下天

漸寒則移進堂屋居竈畔故又名竈馬俗呼曰趨趨即促織二字之轉音賈似道半閒堂鬪蟋蟀明宣德年宮中鬪促織皆此物也蠹海集云蝥陰性妒相遇必爭鬪本草蟋蟀促織阜螽斯負蝥莎雞皆一類是不過因時變化而易名耳然皆非害蟲

蠶

蠶有多種所食之葉不同而形亦異本境有家蠶山蠶二種家蠶飼桑葉長寸許環節蠕動胸腹及尾有足六對或純白或兼黑紋不等四眠作繭山蠶飼柞及櫟葉青剛柳葉長一寸五六分身肥色綠有金點而多瘤瘤各一毫極壯者喙錯折有聲有物觸之輒以頭還擊亦四眠作繭按春秋兩季養之爲實業之一宗餘如榆蠶榛蠶黃栢蠶

作曲  
雜綱

皆自生樹間作繭近亦漸有飼養者是爲有益之蟲

蜂

爾雅翼云蜂類至多其黃色細腰者謂之穉蜂其色黃而黑大如縷蛄齧木屑作窩居樹竅中曰木蜂俗名大麻蜂其色黑微黃穴墻土作窩毒螫牛馬曰土蜂俗名地雷蜂其居草中比他蜂差小名草蜂慣螫牛馬皮內即生蟪明春由蟪仍出此蜂蓋藉牲血肉生子在房檐下齧紙作窩似蓮蓬倒垂數十爲羣者名黃蜂其負蜘蛛處竹管及

銜土作房者名細腰蜂尾端皆有刺螫人皆害蟲也惟釀蜜之蜂比青蠅微大取而養之蜂有王爲衆蜂之長一日兩出而聚鳴號爲兩衙有采花者有取水者歸則少歇如采無所得則經宿不敢歸房皆秩然有序是爲有益之物

螳螂 月令仲夏螳螂生色灰或綠不等頭三角形複眼高突後腹大前胸延長如頸其前二肢形若鎌刀故俗名刀螂及秋產卵附木枝作房如指頭大名螻蛄產於桑可入藥

蠨蠸 身綠有翅腹下紫灰色後二股長善跳榛莽間有之其雌者不鳴有產卵管扁長如刀鳴者爲雄聲清越兒童捕得之養以籠飼以倭瓜花挂簷前鳴聲不輟又有一種大於蠨蠸色灰翅短後腹有黑橫文喙堅硬嚼手輒破聲巖而短俗名三叫驢

阜螽 形類蝗而色灰翅短股長善跳詩所謂趨趨阜螽是也又草蟲長二寸許黃褐色翅短不掩後腹鳴則扎扎有聲又蜚螽野郊有之長寸許綠褐色翅堅硬飛輒有聲詩所云螽斯羽薨薨兮即是一螿螽田間皆有之土黃色長寸許翅摺疊掩後腹腹尖瘦

起落有聲拍手吧吧作響喚之輒來一土蝨身小色灰翅長路旁草間有之慣尋人馬踪跡若求食者俗呼土螞蚱此五種本境皆有之均不害苗

扁擔勾 亦蝨類惟身細長色綠翅薄頭尖而口內向腹有黃漿兒童或捕燒食之一種粗短者口畧外向惟草田間有之或云田被水漫鮎魚產卵其中及受日光便生此物多或至千萬成羣食盡禾葉轉遺種子每至數年不絕或爲禾苗害

蜻蜓 名類甚多本草之蜻虻蜻蛉蜻蛉赤卒爾雅之負勞及螭與諸乘紗羊等類皆大頭露目短頸長腰躡尾翼薄如紗食蚊蠓飲露水六足四翼好飛水際交於水上附物散卵生爲水蠶化蜻蜓產卵復爲水蠶循環不已次者曰蜻蛉小者曰螞蚱俗名尤不一也

蜘蛛 本草集解蜘蛛數十種有入藥不入藥之分本境所習見者一曰癩蛛色灰暗前有長足四對後腹圓大如栗食蠶蠅之屬每就籬落間結網絲輒而韌時或羅雀一曰蟾子體細小褐色前二足甚長屋中有之其網少橫多縱每向人前拖絲而下俗謂主

有喜事名喜蛛詩蠨蛸在戶即此也一曰壁錢體小而扁平褐色結白網於壁圓如錢故名一種形小色黑屋中有之網細軟如綿穹塵片片蛛內藏不輕見又一種生田間形小色灰就隴畔尋孔張網網中留隙出入遇雨則封之秋日甚多又一種身細瘦色紅足長於身數倍多見草木間又一種形極小黃褐色後二足廻抱子囊囊白而圓豆田中多此類又一種大如粟粒而足長近寸行最緩屋內潮溼處有之又一種色紅身與足俱扁有孔卽入俗謂其類多毒又一種淡紫色身小足短拖單絲懸空不動墻孔多有之又一種身黃有斑點多生榛莽間以上八種皆習見者無害於人

鼠負 卽鼠婦亦曰鼠蟠之長三四分青灰色形扁而橢圓背皆橫文前有二觸鬚旁多足恆居溼地甕底與石下

伊威 亦作蟪蟪似鼠婦而大穹脊長鬚四足兩股空屋中有之詩伊威在室是也

蟬 書中多有此蟲一名蠹魚

蚰蜒 體細長多足類南蜈蚣而小有黑黃綠紅四色陰溼之地有之每防其入耳見輒



殺之味甚惡有毒

蠼螋

體長八九分暗黃色兼黑斑點頭有雙鬚尾歧又脚細長共十五對行至疾多在

陰溼之地一名百足蟲又名馬陸俗名草鞋底亦曰錢串子

蚓

禮記孟夏蚯蚓出冬至之日蚯蚓結俗呼曲蟮白頭者可入藥

螻蛄

揚子方言螻蛄謂之螻蛄本草一名天螻一名仙蛄穴土而居短翅四足腹大腰細如蜂長寸餘雄者善鳴而飛雌者羽小不善飛吸風食土喜就燈光以前二足善掘地俗名地拉蛄往往傷禾苗

蜚蠊

黑甲翅在甲下一名蝘蝓一名弄丸莊子蝘蝓之智在於轉丸言其以土苞糞推轉成丸藏之穴中備食又一種大於蝘蝓三倍穿穴獨居原野間偶有之頭有一角名鐵甲將軍合竹葉煎水飲之能利小便

蟻

種類不一大者曰蚍蜉色分黃黑各有大小兩種小者又曰螻俗統呼曰螞蟻鬪時各有行列謂之蟻陣



蠅 分青黑數種有黑蠅綠豆蠅大麻蠅狗蠅等俗名能傳染毒善亂色故詩以刺讒其聲在翼牝者腹大生蛆蛆復化爲蠅每聚污穢處能清潔衛生者必設法驅逐之  
螢 詩名熠燿今名螢火蟲月令季夏腐草爲螢至夜有光土人呼之爲棉花蟲  
蠹 即蚊也種類亦多一種長二分許形類蠅而背黑夜飛喜赴燈光天陰時較多一種色褐日夕結團旋轉蕩蕩有聲小者爲蝶一種兩翼稍長棲時雙疊如一生榆榛葉內一種身細色黃喜吸人血其幼蟲即污水中孳子也一種小於常蚊腹與足皆有白輪文喙毒銳刺人墳起如卵即豹脚蚊也

虻 大於蠅色黑黃不等喙利能刺人皮膚及牛馬頗苦之俗呼曰瞎虻又一種長寸許色黑以產卵器刺牛膚生蠸蠸類螬春初生翼飛出則爲虻今牛馬身上夏日每有出柴黑色血處曰蠸眼即此也

天牛 甲蟲也長寸許紅頸身黑如漆有觸角甚長多見於桃杏樹間有惡臭又一種體短色灰有芒刺俗名老牛

斑蝥 頸紅身黑酷類天牛長祇六七分喜食豆葉近之有惡臭味

蜉蝣 長可六七分四翅尾有三毛如絲夏秋之交近水而飛朝生暮死

蝸牛 大如指頂殼有旋文行則負之觸角前蟲一對若牛故名草叢樹陰處有之或云可避毒蟲歟畏之爾雅注謂蜺蝓即蝸牛

蝓蟻 詩頌如蝓蟻傳蝓也方言云關東謂之蝓蟻梁益之間謂之蝓其在木中者白而長故詩人以比婦人之頸七辨曰蝓蟻之領阿那宜顧凡木朽生蟲而蟲之形色因木色而異詩蓋取其白而言

蝶 形色不一皆蟲所化山中蝶大如掌采色斑爛子即山蠶也又花樹間蟲之大者暑時密置濕熱處輾轉久之即可化蝶鳳蝶大如蝙蝠青黑色翅有金文後翅一部分突出飄然若帶性喜獨飛不多見又有黃蝶翅稍團後拖若帶而短花間時見之其餘小蝶五色悉備值苦參苗綻華羣集燦若雲錦而粉白者尤多春初亦先見園林日暖三五團飛如遺卵菜葉即生綠虫食菜葉

蠍 說文蠍尾蟲八足而長尾有節色青有毒螫人古今錄驗云被蠍螫者但以水碗合之神驗或用大蜘蛛置之螫處輒以喙吸之毒盡蜘蛛斃其痛立止如入藥以青州所產爲良

蟻 生糞土中大者以背行駛如脚久之化爲蟬則吸風飲露清濁係於變化有如此者  
螺贏 亦名土蜂純雄無雌負桑蟲而爲子即螟蛉也

蛾 蠶蛾而外凡草木蟲以蛹化蛾者甚衆

害花蟲 一種長七八分形類蜜蜂無鬚無刺黃褐色喜吸花中液汁名花蟲又一種黃甲兼有黑斑者喜嗜芍藥薔薇各花

害菜蟲 一種爲螟蛉之屬長寸許色青俗稱青蟲食蕪菁菜菔各菜葉吐絲作繭化爲粉蝶一種形小色黃善跳嗜食嫩菜葉俗名地蛤蚤一種名地蛆長三分許色白多橫文蝕菘芥之根是爲蠅類幼蟲

害果蟲 一甲蟲類大如元豆之半朱黃色兼黑斑點俗名放牛小果爲所食則生疤痕

細長有橫文一種形類蚊腹小而喙長吸取果內甜汁其疤痕小而圓又果蒂有殘瓣者蛾類喜就產卵化蟲入爲蠹故欲獲佳果須先去殘瓣以防之

害稼蟲 一螟蟲長八九分背黃色有黑縱線食穀稻葉天旱則生一捲蟲色青而小食葉復吐絲裹之使穗不得展詩云去其螟螣即此也一蜜蟲原名蚘虫有綠赭黑諸色吸嫩芽新葉汁液由糞門排蜜引蟻聚食禾遂枯槁一油虫類似蝨較呀虫尤小夏旱時散布禾稼葉間如油膩使禾不茂經雨則却一蝸虫背灰腹白多輪文嚼節輒斷按食根曰蝥食節曰螬蝸殆卽蝥也一穿虫長寸許色紅嘴堅銳喜食根禾因以枯一種體長二三分頭黑腹紅背有黑綫多毛旱時禾葉間多有之名曰蜜虫母

毛蟲 一種大如柞蠶毛長而黑榛莽間有之一種長寸許毛黃近頭部兩叢如角桑榆間有之一種色灰毛短背有黑縱文果樹多有之初生枝脣白絲密於蛛網羣蟲團聚其上稍大散食樹葉作小白繭化飛蛾一種長三四分背毛紅黃相兼叢生頭部二叢尤高出如角就木枝爲小繭極堅春破殼出毛刺螫人俗名羊刺子亦曰撥觸毛

屈步蟲 長寸許色綠或灰不等行時腰穹窿上屈一步一步若布指向前量物園林多有之俗呼曰量天尺

屁蟲 甲蟲之屬形橢色黃有黑斑點多見草間觸之尾部有聲發臭氣故名

蜚蠊 俗名蠪娘爲厨竈間之害蟲體扁平赤褐色小者喜就溫處羣聚夜擾人睡嚙肌膚輒破一種長六七分頸有白紋兩翅輪體每藏伏高處如夜出羣飛知天將雨

草虻 暗灰色頭類螭而腹圓大生草間附於牲畜吸血雖飽不移然無後竅能吸不能洩故腹漸漲大若半粟犬貓之耳亦有之惟甚小

蚤 形小色黑善跳慣入衣被中吸人血液夏月生於溼地而新建之房屋尤多亦名蝨蚤

蝨 爲人體之寄生蟲而雞豚亦有之雞蝨小而白人常沐浴則不生蝨

蜚蟲 亦曰牀蝨城鄉家居多有之晝伏暗處夜出吸人血液腹有臭汁俗謂之臭蟲

蠅虎 亦名蠅狐爲蜘蛛之屬大三四分灰色善跳徘徊壁間伺蠅捕之又有蠅狼黑色

長五六分頭巨背隆雙翼長足喜抱蠅

...

...

...

...

...

...

...

...

...

...

...

...

...

...

...

物產志卷三十

鑛產

城東北諸山爲鑛產之府外人嘗言遼陽東北數處出產供全國用而有餘指煤鐵而言也現除牛心台之煤坑賽馬集之鐵鑛劃歸本溪外若盧家屯尾明山茨山大窩鑛子溝等處皆饒煤鑛其脈由磨臍山經過尖山子茨山南至尾明山延長六七里以達二十里山脈東西兩面掘採皆可得煤磨臍山之鑛脈先見又隔此山脈至大榆溝東相距一小河曰大窩亦堪開採由磨臍山東經老君廟尖山子櫃子山之間及鑛子溝老虎溝馬家溝等山之西饅頭山附近皆是自日俄戰後日人開掘磨臍山茨山鑛子溝數處華商之煤票皆廢只尾明山設天利公司由省委員經理山北三家子煤鑛歸湯閣臣報領開採半拉山子灰鑛清初工部官審季年被奸民勾通東洋人購採嗣經商人遵章報採名強華洋灰公司民國間弓長嶺鐵鑛中日合辦國有鑛權日商出資紅利按四六成計分自茲以後歷年人民報領自開者日多外如尾明山之黏土砂土



可煉瓦製砂器礮盛堡煤含礮質置場煉礮老大台灰窰等處之青石石灰城南黑山下之金場漿石錫石小豆石硝磺等甚多其始除半拉山弓長嶺等處外餘皆以前清嘉慶十七年時八家窰商山鑛龍票爲根據地茲先畧述八家煤鑛區域面積數目及其他商民開報之面積數目臚列於後并將鞍山等六處鑛區及日人營業佔用民地亦皆附焉

一李潤先人李申於嘉慶年間領得狼洞溝極東地地名大窰有龍票一張四至南至張家坎北至田家溝與赫松林票山毗連東至山岡封堆又名轉山子西至山坡下封堆東西寬三百七十四弓南北長四百五十六弓除將北界劃歸日人一百弓淨餘三百五十六弓宣統三年案

(二)赫松林先人希拉布領得狼洞溝東南處地名化家窪龍票一張南至田家溝與李潤票山毗連北至貴子山與趙冀氏票山毗連東西均至山根下封堆南北長三百六十九弓東西寬三百七十八弓

(二)趙冀氏先人趙卓峯領得狼洞溝東南處地名崔家溝坐落老虎嶺龍票一張南至貴子山

封堆與赫松林票山毗連北至礬盛堡與祝恩隆票山毗連東西均至山根下封堆南北長四百一十八弓東西寬三百七十四弓

(四)祝恩隆先人祝天福領得狼洞溝南地名礬盛堡坐落灰礬嶺即貴子山龍票一張南至崔家溝

貴子山北頭與趙冀氏票山毗連北至狼洞溝南溝尖山子頂與王心票山毗連東至山坡下封堆路牌

溝上頂西至礬盛堡尖山子溝溝門南北長四百八十四弓東西寬四百一十弓

(五)王心先人王芬領得鑄子嶺地龍票一張南至狼洞溝與祝恩隆之票山緊連北至鑄子嶺路與韓潮票山相連東西均至山根下封堆其四至之內有一小地基俗名狼

洞溝南北長四百五十六弓東西寬三百七十四弓

(六)韓潮先兄韓穆於早年領得狼洞溝北處地名磨臍山龍票一張南至鑄子嶺道前廟

官道與王心票山毗連其北東西二面均至山根封堆後經日人定界北至破窰房南東至東道空洞西至山下小洋房南北長五百

六十四弓東西寬三百六十七弓

(七)王會先人王志廣領得狼洞溝西南茨兒山地龍票一張南至王姓坎北至山頂與劉祿秀票山毗連東西均至山根下封堆南北長四百二十六弓東西寬三百零四弓

(八)劉祿秀先人劉恩明領得狼洞溝以南地名茨兒山龍票一張東至山坡下封堆西至山坡下封堆南至盧家坎與王會票山毗連南北長六百弓東西寬三百零六弓

此八家鑛於光緒二十四五年間中英俄三國幾成若大決裂交涉始平原中商無大資本與英人夥辦俄人從旁垂涎強權插入百計威詐硬行開採希與英人均沾利益無如與英人立契並無契外餘地且租照在先俄人空手無憑不得實惠遂用強硬手段橫擾多次卒未得遂所欲而止庚子後日人來此由大路煙台修鐵道入炭坑及大窰等處開採煤石諸鑛而八家龍票中五家被日人攫取矣

協成公司厚記煤窰後爲福順公司

光緒二十八年王本錫等在城東六十里張家溝

躡得煤礦一處呈報開辦三十三年換領開礦部照地在大窰堡村西北四至東至山

崗

轉山子

西至崇寧寺南至南土台子北至山崗松樹嶺東西長六百弓南北寬三百六

十六弓共計二萬一千九百六十弓合一方里零十分方里之六內有官山三十畝零十分畝之二其餘八百八十三畝原圖一里開方算

張家溝煤礦 光緒二十九年劉天民等呈報地在大窩堡村東四至東至王家地南至黑石砬子西至小大窩堡北至金家窪未計弓數

尖山子溝內上黃溝等處金礦 民國六年張毓祥呈報計面積七百八十七畝五分距城一百二十里

牛棚溝地方鉛礦 民國六年田雨時呈請試探計面積三百四十三畝七分五厘

礮盛堡村東煤礦 民國六年喬松年開探張潤科繼承計面積三百五十三畝五分八釐

吉洞峪黃岡子鉛礦 民國六年王朝宗呈請開探計面積九百畝

八盤嶺金家堡子鐵礦 民國六年六月本溪煤鐵有限公司呈請試探計面積三百三十三畝三分三釐

商家台坎東溝北岔地方鉛鑛 民國六年田志新報領部照開採面積二百七十七畝  
八五分又附近楊木林子面積三百畝

盤道溝大茨溝等處鉛鑛 民國六年四月田雨時呈請試探面積三百九十一畝一分

雞冠山鐵鑛 民國六年四月田雨時呈請試探面積一千一百六十畝

沈家溝鐵鑛 民國七年三月張志良請探面積五百四十畝

探城溝大灣溝等處硫化鐵鑛 民國七年四月田懷玉呈請試探面積一千零八十畝

在詹家堡子界

商家台界李家溝亮子溝筆鉛鑛 民國七年七月田雨時開採面積共五十五畝

大安平團山子灰窰 民國七年冬月谷萬忠開採面積三畝

弓長嶺鐵鑛 民國七年一月忠林周虞心劉慶生互控呈報在案後歸中日官商合辦

約訂中國以鑛權作股本日人出日金三百萬元作股本  
用人華日參半紅利按四成歸中國今已數年未著成效 面積二千零十七畝九分一釐興隆溝小砬子

大砬子鐵鑛面積二千四百八十二畝七分二釐黃泥溝山南坡鐵鑛一千一百六十

九畝九分一釐

打石溝鉛鑛 民國七年二月田志新請試探面積四百二十畝

老達子溝石灰石鑛 民國七年冬月喻清福呈報開採面積共八十二畝

官高嶺石灰鑛 民國八年一月立山假市街振東公司經理徹玉庵開採面積六十五

畝二分二釐

半拉山子洋灰鑛 此山在前清時曾經在此燒石灰民國八年四月村人程玉佩請開

採涉訟取消歸村會自辦九年十月有薛德魁開採設立天發灰窰後有外人參加於十二年經村會租與富檳閣立有契結呈請報領開採洋灰面積一百四十七畝名曰強華洋灰公司經啓新洋灰公司并農商部化驗石礦中含養化鈣頗多附近并有黏土頗有經營價值擬集資現洋一百萬尙未集成暫用舊法燒灰灰質黏力頗優銷路暢旺俟資本募足設置機器其利益當倍厚矣

城東灰窰石灰石礦 民國八年三月唐東垣呈請開採涉訟阻撓案尙未結面積八十

畝

灰窰崔家溝火黏土礦 民國八年王繼卿捏報改名沙路溝涉訟取銷仍崔家溝崔永

恩地主報領面積五十畝

東大窰北山南坡火黏土礦 民國八年四月程世振報領面積共五十畝

韓坡嶺煤礦 民國八年七月徐子儀呈請試採面積一千零八十八畝

灰窰村南石廠大窰村東北火粘土礦 民國八年十月王繼元呈請面積共七十畝

東歲子獐豺峪抖背子山順山子團山等村煤礦 民國九年五月周允衡呈報開採面

積共二百七十畝

盧家屯大榆溝等村煤礦 民國十年冬月天利公司呈報開辦盧家屯等處面積四百

一十一畝四分大榆溝等處七百五十六畝五分

炭 炕 厚德鈺灰窰

炭 坑 日本山本興榮公司



黃堡 崔姓廣興長灰窰

黃堡 王姓 三合窰灰窰

黃堡 王姓 天合窰灰窰

黃堡 趙姓 趙家石灰窰

羅爾大台 王化洲裴一臣周煥階王林桂呂慶祥王慶劉生各灰窰一處

大韓坡嶺松樹溝西山等處地方粘土鑛 民國十一年二月李貴一請採面積二百六

十八畝

謝家堡子河東躺石礮子東山坡大理石鑛 民國十四年四月王錫忱請領開採面積

二百七十畝

田家溝沙石鑛 民國十四年先張振芳報領被控後歸張德明承領面積十五畝

紅泥坑石灰石鑛 民國十五年王景善呈報面積九十四畝零一分九釐

祈福寺山石灰窰一處

老大台村石灰窰一處

石橋子村石灰窰一處

尾明山東磨臍山日本石灰窰一處

三家子煤礦在尾明山以北現在湯閣臣開採面積不詳即喬永年舊礦

附各處鑛產尙未呈報開採者如下

城東南一百二十里大高嶺有烏金礦

城南六十里千山有水晶石礦

城南六十里華巖寺出綠石可鑄鐵

城南百二十里興隆溝出鴨蛋綠色石礦質堅硬如玉

城南一百里媽媽街有銀礦

城南九十重算盤峪出紅花石赭色者多在河內

城東南七十里後台白滑石白雲母石均成礦

城東南八十里粉土崖出粉石可鑄鐵

城東南一百里阿金溝有金礦早年曾開採

城東南九十里謝家堡子北藍河出翠石

城東三十里水峪出青石可製碑

城東十五里石廠峪出青石可製碑

城南五里打白狐出青石

城東北二十五里老大台出青石

城東一百里金坑出青石紫石水成岩可爲硯

城東北六十里尾明山附近山麓黏土鍊瓦砂土製沙器山西礬盛堡煤土含礬質土人

煉礬頗得利

城南百二十里黑山金場產漿石錫石小豆石硝磺等礦

城東六十里田官屯出石棉

城東六十里缸窰原有煤鑛

鞍山鐵鑛無限期鑛區地

此鑛始於中日新約換文案內中國政府允認開採鞍山站一帶鐵礦民國五年滿鐵株式會社擬辦鞍山對面山大孤山關門山櫻桃園王家堡子六處名曰鞍山鐵鑛無限期公司復經磋商由中日合辦各舉代表以維主權中代表舉于冲漢日代表係鎌田彌助一切股本均係日人擔任訂立合同呈農商部核准發給探照二年期滿計探字第二十五號至三十號執照六紙鑛圖六紙中日合同各一份交財政廳分別存發所用鑛區一萬一千四百二十三畝除民有牧養八百畝外餘係中國官山按合同第七條民產按公平議價官地給相當租價又照條例第六十條鑛業廢止或使用完竣時仍應將土地交還官廳計開六處鑛區面積畝數於下

櫻桃園山地一千八百六十六畝合面積三方里二百四十六畝

王家堡子山地二千零四十六畝合面積三方里四百二十六畝

狐山子 即大孤山 山地一千七百九十二畝合面積三方里一百七十二畝 內有民人牧養二百四十畝

對面山 即西鞍山 山地二千六百七十四畝合面積四方里五百十四畝 內有民人牧養五百六十畝

鞍山 即鞍山站 山地二千三百四十五畝合面積四方里一百八十五畝

關門山 即人頭山 山地七百畝合面積一方里一百六十畝

民國四年繪圖呈報五年註冊下則下則共一萬一千四百二十三畝

鐵鑛公司附近處佔用有課賦民地數目 民國五年冬起

八卦溝 鞍山街市增用地 三六五〇七 立山水道鐵管埋設地 一九四四

立山 立山街市增用地 七六三八 沙河水源 林地六畝荒地二畝 八〇六

西鞍山 作業用地 一七八八三 立山西大溝整理地 五〇三二

八卦溝 熟地一八一四九荒地一〇〇二 一九一五一 馬圈子十六戶地 二五〇九一

立山 東附屬增用地 一二七八〇 八家子 五五五四三

又填荒地 五八〇 後立山十五戶 二八七二三

八卦溝

一〇一〇・九六

四方台

六〇・九三

前立山屯

八〇一・六二

舊堡

九六・〇五

又墳荒地

一七・七六

鞍山站

四四・〇〇

柳西屯

八六〇・〇七

長店舖河南

四三四・七九

東馬圈子

一〇一二・三〇

前後立山熟地

一〇七六・四九

腰馬圈子

二四・五八

又墳地共

九七・四七

東馬圈子

一四・七四

沙河運鐵綫路地

一三七・二〇

東馬圈子

二五・七二

又

五・三一

陶官屯

二九・四七

陳家台

一四・八四

又墳地

四一・九二

羊草庄

五九・〇三

又墳地

二二九・四一

櫻桃園山下作用地

六八六・一八

八家子荒地

二五・〇三

又

九四・二二

又墳地中則地

六·四五

大狐山鑛區內熟地

六九·〇九

又熟地

一四二·〇三

又 砂荒熟等地  
鑛區作業地

七一七·五〇

又墳地

一八·四六

崔家屯

四六·一三

又熟地

三三二·一六·四三

新堡

二二·八五

又

一三四一·三六

鞍山作業地

一七九·四三

又

九八·〇〇

八卦溝鞍  
山立山 街市增用地

一三九·九七

八家子荒

五·二三

水源配水及水道地

一〇〇四·〇一

又墳地

五·五四

沙河界 熟荒砂園林  
道墳等地

一〇四·三一

長店舖

六二·八六

侯家屯

二二·二七

楊家林子

四三·〇四

土台子

三〇·七〇

達子營

一九·三九

西八里庄

三四·〇〇

安家莊庄

二五·三二

三里庄

七一·七五



馬伊屯

一七·六二

拉馬園 即喇嘛園

四八·一三

狐家子

一二·九九

玉皇廟

三〇·一六

首山堡

二〇·一五〇

太子河水源

一七九·一二

蔡莊子

二五四·七五

合熟荒砂園林道墳各地共一萬九千二百一十三畝二分六釐

八卦溝佔用地上等畝數

熟墳地共二千九百四十畝一分一釐

八卦溝佔用中等畝數

熟墳地共一百六十七畝四分

八卦溝佔用地下等畝數

熟墳地共二百二十九畝七分

八卦溝佔用荒地畝數

荒地共七十一畝三分九釐

前後立山屯佔用地畝數

共地一千三百三十畝五分二釐

又一百三十四畝七分二釐

腰馬圈子佔用地畝數

地九百八十七畝九分四釐

又荒二畝六分二釐

又坎十畝零九分四釐

長店舖路西佔用地畝數

熟地二百六十二畝三分九釐

吳家台佔用地畝數

地三百零四畝五分八釐

荒地十七畝二分九釐

又墳地三畝六分

熟地四十六畝三分四釐

立山屯佔用地追加畝數

墳地三畝七分

柳西屯佔用地追加畝數

道地十九畝二分

八家子佔用地追加畝數

道路地二十一畝七分

又十七畝三分

長店舖佔用地畝數

熟地一百零七畝七分四釐

又墳地共三畝零八釐

四方台佔用地畝數

熟地五十六畝三分一釐

荒地二十七畝九分一釐 又坎地三分

前三家峪佔用地畝數

熟地一百二十三畝九分二釐

又十二畝八分

墳地三分四釐

荒地一畝七分一釐

後三家峪佔用地畝數

熟地七十八畝四分一釐

又熟地七十四畝七分九釐

又荒地六十三畝七分 又坎地八分三釐

崔家屯佔用地畝數

熟地九十六畝七分一釐

又三十畝零九分一釐

又二十二畝八分六釐

又荒地三十五畝七分九釐

房身佔用地畝數

熟地六十三畝零五釐

又三十三畝二分九釐

荒地八畝九分九釐

高官嶺佔用地畝數

熟地十四畝一分五釐

荒地二畝一分九釐

新堡佔用地畝數

熟地二十四畝五分五釐

坎地一分五釐

大孤山佔用地畝數

熟地一分三釐

柳西屯佔用地畝數

熟地六畝一分二釐

長店舖佔用地上等畝數

熟地共二千四百二十五畝七分三釐

長店舖佔用地中等畝數

熟地共五百零九畝四分三釐

長店舖佔用地荒地畝數

荒地四百七十六畝五分二釐

共合一萬八千八百三十八畝八分

石橋子方面石灰岩產地山荒畝數

尖山子

一九五·六八

台子溝

二一·九二

張書屯

六六·七二

又

二一七·三八

又

一七五·七一

又

一七三二·〇一

上瓦溝子

一九五·五四

康姓

四〇一·〇〇

石橋子

二〇七·四六

穆英勃

三三〇·九四

後稠井子

一七六·〇八

韓家坎

七一四·三二

上瓦溝子

一五〇·〇五

陸甲房

六二九·九三

朴家溝

一三九·六〇

前稠井子

一八五六·七七



又

一〇一·五一

石橋子

五四〇·〇九

石橋子

一一一六·〇六

陸家房

六五八·六三

頭道溝

九六八·四二

二道溝

一七八五·二五

前沙澇屯

六二九·九九

施官屯

八九三·四〇

棲雲寺

六〇六·五八

達子堡

七六·六五

陳家坎

三九八·六四

蔣家灣

四八三·一〇

共合一萬五千五百一十二畝零四釐以上二十八屯山荒經該各屯訴訟結果仍

歸該屯自己首報管業

烟台炭坑鑛區內佔用民有土地數目

灰窰村

荒 三二·六三  
熟 二〇二·六四

共地二三五·二七

礬盛堡

荒 六·九一  
熟 四四·七七  
園 二〇七·五八

共地二五九·二六

樺子溝

荒 二·六三  
熟 四五·六六

共地

四八·二九

房

身

荒 八六  
熟 一二·九二

共地

一三·七八

共地五百五十六畝六分

除鞍山鐵鑛鑛區官荒一萬一千四百二十三畝外所估用民有課賦地據云日人共納日金六萬現交五萬其餘所欠之萬元以現年五萬元利息抵補仍敷六萬元之數嗣後年以六萬元所生之利作為現年課賦之用惟當時即將日金變作奉票現在奉票毛荒而錢糧改收現銀圓則此欵歲虧太鉅矣